

摘藻堂四庫全書薈要

史部

欽定四庫全書薈要

史部

御批通鑑綱目卷二十三

詳校官編修臣汪鏞

欽定四庫全書薈要卷七千三百三十四

史部

御批資治通鑑綱目卷二十三

起己亥晉安帝隆安三年凡十二年

盡庚戌晉安帝義熙六年
燕長樂元秦弘始元魏天興二年
涼主呂纂咸寧元北凉天璽元年
春正月南凉

樂都

南凉王禿髮烏孤謂羣臣曰隴右河西本數郡之地
遭亂分裂至十餘國呂氏乞伏氏段氏最彊今欲取
之三者何先楊統曰乞伏本吾部落終當伏從段氏
書生無能為患且結好於我攻之不義呂光衰耄嗣
子微弱纂弘雖有才而內相猜忌若使浩亶廉川乘
虛迭出彼必疲於奔命不過二年兵勞民困則姑臧

可圖也姑臧舉則二寇不集覽浩疊注見漢宣
待攻而服矣烏孤曰善帝神爵元年質實

樂都郡名注見漢宣帝元康四年湟中隴右即隴西
郡注見秦王政三年河西郡名注見漢安帝元初元
年廉川郡名注見孝武帝太元二十年
年姑臧縣名注見元帝建武元年

二月魏主珪襲高車大破之

魏主珪北巡分命諸將三道襲高車大破高車三十
餘部獲七萬餘口馬三十餘萬匹衛王儀別將三萬
騎絕漠千餘里破質實高車西域國名注見
其七部諸部大震孝武帝太元十六年

改業自稱涼王

業以沮渠蒙遜為尚書
左丞梁中庸為右丞

三月魏分尚書諸曹置五經博士考異

提要漏
置字

魏主珪分尚書三十六曹及外署凡置三百六十曹
令八部大人主之吏部尚書崔宏通署三十六曹如
令僕統事置五經博士增國子太學生員合三千人
珪問博士李先曰天下何物可以益人神智對曰莫
若書籍珪曰書籍有幾如何可集對曰自書契以來
世有滋益至今不可勝計苟人主所好何憂不集珪
遂命郡縣大索實實崔宏東武城人李先中山人書
書籍悉送平城實實契以來尚書序曰古者伏羲氏
之王天下也始畫八卦造書契以代結繩之政帝王
世紀曰伏羲氏仰觀象於天俯察理於地中觀鳥獸
之文與地之宜近取諸身遠取諸物於是
造書契也平城縣名注見漢高帝七年

書法

書置博士何予道武也道武始稱
皇帝首有此舉可謂知所尚矣

發明

魏於是乎漸進矣晉為衣冠文物之主而罷遣生徒不修孔廟迭書於冊拓跋之興乃能

置五經博士綱目書以予之宜矣

南燕苻廣叛南燕王德擊斬之滑臺降魏德遂東寇青

兖考異

據李朗書討誅之此擊斬二字當作討誅

初秦主登之弟廣帥眾依南燕王德德處之乞活堡至是自稱秦王時滑臺孤弱土無十城眾不過萬附德者多去附廣德乃留魯王和守滑臺自帥眾討廣斬之和長史李辯殺和以滑臺降魏魏行臺尚書和跋帥輕騎自鄴赴之悉收德宮人府庫陳頴之人多附於魏將軍慕容雲斬辯帥將士家屬出附德德欲還攻滑臺韓範曰嚮也魏為客吾為主今也吾為客魏為主人心危懼不可復戰不如先據一方自立基

本乃圖進取張華欲取彭城潘聰曰彭城土曠人稀
平夷無險且晉之舊鎮未易可取又密邇江淮夏秋
多水乘舟而戰者吳之所長我之所短也青州沃野
二十里精兵十餘萬左有負海之饒右有山河之固
廣固城曹嶷所築地形阻峻三齊英傑思得明主以
立功於世久矣晉刺史辟閭渾昔為燕臣今宜遣辯
士馳說而以大兵繼其後若其不服取之如拾芥耳
既得其地然後閉關養銳伺隙而動此乃陛下之關
中河內也德乃引師而南兗州北鄙諸郡縣皆
降德置守宰以撫之禁軍士虜掠百姓大悅

集覽

三齊注見漢王劉邦元年辟閭渾辟閭注見穆帝永
和十二年閭中河內漢光武遣寇恂守河內謂曰昔

高帝留蕭何鎮關中吾今委公以河內當給足軍糧
率厲士馬關中注見惠帝元康九年河內注見漢桓

帝延熹

實

元活堡未詳處所滑臺注見孝武帝太

九年

陳頴

二州名陳注見周赧王三

十七年穎注見梁武帝天監三年彭城郡名注見
秦始皇二十八年廣固城名注見穆帝永和七年

追尊所生母陳氏為德皇太后○夏四月以會稽世子

元顯為揚州刺史

會稽王道子有疾且無日不醉元顯知朝望去之諷
朝廷解道子揚州以授元顯道子醒而知之大怒無
如之何元顯以廬江太守張法順為質實廬江郡名
謀主多引樹親黨朝貴皆畏事之注見漢景

帝五年

燕除公侯金帛贖罪法

燕主盛十日一決獄不加拷掠多得其情下詔曰法
例律公侯有罪得以金帛贖此不足以懲惡而利於

王府甚無謂也自今
皆令立功以自贖

秋七月秦寇洛陽八月魏人來救

後秦齊公崇寇洛陽河南太守辛恭靖嬰城固守雍
州刺史楊佺期遣使求救於魏魏遣太尉穆崇將六
萬騎救之質實洛陽縣名注見周顯王元年河南
郡名注見秦莊襄王元年三川

書法

於是佺期求救於魏魏人來救則書救書來
嘉助順也綱目嘉助順是故魏人來援則書

漢後主炎興元年魏
人來救則書是年

魏殺其御史中丞崔逞

初魏將軍張袞以才謀為魏主珪腹心袞薦中州士
人盧溥及崔逞珪皆用之及圍中山久未下軍食乏

問計於羣臣逞對曰桑椹可以佐糧飛鵝食而改音者也珪雖用其言然心銜之秦人寇襄陽雍州刺史郗恢以書求救於魏常山王遵謂珪為賢兄珪以恢無禮命衮及逞為復書必貶其主而衮逞謂帝為貴主珪遂大怒逞之降魏也以天下方亂恐無復遺種使妻子留冀州至是珪并以是責逞賜死而溥亦受燕爵命侵掠魏境珪謂衮所舉皆非其人黜為尚書令史衮闔門不通人事手校經籍歲餘而終

實

中州猶言中夏中國也中山國名注見周威烈王二十三年襄陽縣名注見漢獻帝建安十二年雍

州注見齊和帝中興元年常山郡名注見漢光武建武九年冀州注見秦二世二年信都

南涼王烏孤卒弟利鹿孤立徙治西平考異

立當作副考證

立當作副質實

西平郡名注見漢宣帝元康四年湟中

○南燕王德昭廣固殺

幽州刺史辟閭渾遂都之

南燕王德使說幽州刺史辟閭渾不從遂遣北地王鍾帥步騎擊之德進據琅邪徐兗之民歸附者十餘萬渤海太守封孚燕舊臣也聞德至出降德大喜曰孤得青州不為喜喜得卿耳遂委以樞密渾守廣固其下多出降渾懼奔魏德追斬之渾子道秀自詣德請與父俱死德曰父雖不忠而子能孝特赦之渾參軍張瑛為渾作檄辭多不遜德執而讓之瑛神色自若徐曰渾之有臣猶韓信之有蒯通遇漢主而生臣遇陛下而死比之古人竊為實實

幽州注見唐高祖武德四年北

地郡名注見漢哀帝建平元年琅邪郡名注見漢光武建武五年渤海郡名注見漢獻帝建安八年南皮韓信之有蒯通通過漢主而生蒯通范陽人楚漢時說士有權變武信君嘗用其策降燕趙二十餘城韓

信用其計遂定齊地自序其說號曰雋
永凡八十一首事在漢高帝十一年

九月燕遼西太守李朗謀叛其主盛討誅之

燕遼西太守李朗在郡十年威行境內燕主盛疑之
累徵不赴朗亦以家在龍城未敢顯叛陰召魏兵許
以郡降事覺盛滅朗族遣將軍李旱討之旱既行急
召而復遣之朗聞其家被誅擁二千餘戶以自固及
聞旱還謂有內變不復設備留其子守令支
自迎魏師於北平旱襲克令支追朗斬之

集覽

北平

索隱曰此北平縣名也隸中山郡正義曰今

實實

遼西

定州北平縣是又右北平注見秦王政三年
郡名注見漢獻帝建安十年龍城縣名注見帝奕太
和四年和龍令支縣名注見成帝咸康四年北平縣
名注見漢高

帝七年曲逆

秦主興降號稱王

興以災異屢見降號稱王詔羣公卿士將牧守宰各降一等存問孤貧舉拔賢俊簡省法令清察獄訟守令有政迹者賞之貪殘者誅之遠近肅然

冬十月秦陷洛陽

秦寇洛陽辛恭靖固守百餘日魏救未至秦兵拔洛陽獲之恭靖見秦王興不拜曰吾不為羌賊臣興囚之恭靖逃歸淮漢實實辛恭靖狄道人洛陽縣以北多降於秦名注見周顯王三年

孫恩寇陷會稽殺內史王凝之詔徐州刺史謝琰及劉牢之討破之以琰為會稽太守

會稽世子元顯性苛刻生殺任意發東土諸郡免奴
為客者置京師以克兵役東土囂然孫恩因民心騷
動自海島攻會稽內史王凝之世奉天師道不出兵
亦不設備官屬請討之凝之曰我已請大道借鬼兵
守諸津要不足憂也恩遂陷會稽殺凝之於是八郡
之人一時起兵殺長吏以應恩旬日中衆數十萬時
三吳承平日久民不習戰郡縣兵皆望風奔潰恩據
會稽自稱征東將軍號其黨曰長生人醢諸縣令以
食其妻子不食則支解之所過焚掠刊木埋井表會
稽王道子及元顯之罪請誅之自帝即位以來內外
乖異石頭以南皆為荆江所據以西皆豫州所專京
口及江北皆劉牢之及廣陵相高雅之所制朝政所
行三吳而已及恩作亂八郡皆為恩有畿內盜賊蠹
起恩黨亦有潛伏在建康者人情危懼於是內外戒
嚴加道子黃鉞元顯領中軍將軍命徐州刺史謝琰
討之牢之亦發兵討恩拜表輒行琰擊斬義興吳郡

羣盜與牢之轉鬪而前所向輒克琰留屯烏程遣司馬高素助牢之進臨浙江詔以牢之都督吳郡諸軍事初彭城劉裕生而母死父翹僑居京口家貧將棄之同郡劉懷敬之母裕從母也往救而乳之及長勇健有大志僅識文字以賣履為業好搏捕為鄉閭所賤至是牢之引叅軍事使將數十人覘賊遇賊數千人即迎擊之從者皆死裕墜岸下賊臨岸欲下裕奮長刀仰斫殺數人乃得登岸仍大呼逐之殺傷甚衆劉敬宣怪裕久不返引兵尋之見裕獨驅數千人咸共嘆息因進擊賊大破之恩驅男女二十餘萬口東走多棄寶物子女於道官軍競取之恩由是得脫復逃入海島牢之縱軍暴掠士民失望朝廷憂恩復至以琰為會稽太守都

集覽

烏程春秋楚為荻城春申君邑也秦置烏程縣屬會

督五郡軍事戍海浦

海島注見成帝咸康四年

稽杜預曰在吳興郡

質實

三吳注見簡文帝咸安二

年石頭城名注見漢獻帝建康十七年京口郡名注
見成帝咸和三年廣陵郡名注見漢武帝元朔五年
淮南蠡起注見秦二世二年徐州注見秦始皇二十
八年彭城義興郡名注見孝武帝太元十七年吳郡
注見漢獻帝建安五年一統志云烏程秦之縣名屬
會稽郡因烏氏程氏善釀故名漢永建中改屬吳郡
孫吳於此置吳興郡隋罷郡以縣屬蘇州尋置湖
州宋屬安吉州元屬湖州路國朝因之為湖州府治
所仍屬焉浙江注見秦始皇三十七年檇注見隋
文帝開皇十七年彭城郡名注見秦始皇二十八年
劉敬宣彭城
人牢之子

以會稽世子元顯錄尚書事實實

會稽郡名注見漢和帝永元元年

時謂道子為東錄元顯為西錄西府車騎填湊東第
門可張羅元顯所親信率皆佞諛諛禮官立議公卿

以下見者皆拜時國用虛竭公卿曰
廩七升而元顯聚斂不已富踰帝室

桓玄舉兵攻江陵殺殷仲堪楊佺期考異

提要楊上有
及雍州刺史

五字

殷仲堪恐桓玄跋扈乃與佺期結婚為援佺期屢欲
攻玄仲堪每止之玄恐終為殷楊所滅乃求廣其所
統執政亦欲搆使乖離乃加玄都督荊州四郡軍事
又以玄兄偉代佺期兄廣為南蠻校尉佺期忿懼欲
與仲堪共襲玄仲堪多疑少決苦禁止之叅軍羅企
生謂其弟遵生曰殷侯仁而無斷必及於難吾蒙知
遇義不可去必將死之是歲荊州大水仲堪竭倉廩
以賑饑民玄欲乘其虛而伐之乃發兵西上聲言救
洛先遣兵襲取巴陵積穀食之仲堪遣楊廣等拒之
皆為所敗江陵乏食以胡麻廩軍急召佺期自救佺

期曰江陵無食可來相就共守襄陽仲堪結之曰比來收集已有儲矣俟期帥步騎八千至江陵仲堪唯以飯餉之俟期大怒曰今茲敗矣不見仲堪與其兄廣共擊玄大敗單騎奔還仲堪亦奔鄴城玄遣將軍馮該追獲皆殺之仲堪奉天師道禱請鬼神不吝財賄而嗇於周急好為小惠以悅人病者自為診脉分藥用計倚伏煩密而短於鑒畧故至於敗仲堪之走也文武無送者惟羅企生從之路經家門遵生曰作如此分離何可不一執手企生旋馬授手遵生牽下之曰家有老母去將何之企生彈淚曰今日之事我必死之汝等奉養不失子道一門之中有忠與孝亦復何恨遵生抱之愈急遂不得去及玄至荊州人士無不詣玄者企生獨不往而營理仲堪家事玄遣人謂曰若謝我當釋汝企生曰吾為殷荊州史荊州敗不能救尚何謝為玄乃收之復問欲何言企生曰從公乞一弟以養老母玄乃殺企生而赦其弟

集覽

胡麻夢溪筆談曰胡麻直是今油麻更無他說其角有六稜者有八稜者中國麻今謂之大麻張騫始自

大宛得油麻種亦謂之麻故以胡別之謂漢麻為大麻鄼城即南陽鄼縣也注見漢高帝六年分藥分猶

言合和倚伏注見梁

正誤

分藥今按謂以質實

注見

孝元帝承聖元年

漢質帝本初元年羅企生豫章人巴陵郡名注見宋文帝元嘉三年江陵縣名注見漢獻帝建安十三年

書法

也方鎮相攻晉之不綱甚矣殷揚不書官罪之

發明

桓玄何以不書反所攻者江陵也仲堪佺期何以不書誅玄不得而誅之也然則予之乎

曰玄書舉兵則見其反叛之實安有天子在上而人臣擅自舉兵者哉仲堪佺期不書官則見其有罪之實安有方鎮大臣無故為人所殺者哉要亦各致其責而已比輕重之權衡也

涼王光卒太子紹立庶兄纂殺而代之考異

立當作嗣殺當作弑

據永嘉四年書漢主淵卒太子和立其弟聰弑而代之

永和五年書趙主虎卒太子世立其兄遵弑之及其太

后劉氏而自立

考證

立當作嗣○謹按呂光據涼建國

皆書弑不書殺

十有四年諄諄遺命授其世嫡諸

子果如其言弟兄緝睦以禦外侮則涼祚豈易量哉紹

受國於先君者也君也纂受先君遺命輔嗣皇為其太

尉臣也違先君命殺紹而奪其國以臣弑君以庶奪嫡

有國有家者可不監哉故當曰太子紹嗣庶兄纂弑而

代之

光疾甚立紹為天王自號太上皇以太原公纂為太
尉常山公弘為司徒謂紹曰今三鄰伺隙吾沒之後
使纂統六軍弘管朝政汝恭已無為委重二兄庶幾
可濟若內相猜忌則蕭牆之變至矣又謂纂弘曰永

業才非撥亂直以立嫡有常猥居元首汝兄弟緝睦則祚流萬世若內自相圖則禍不旋踵纂弘泣曰不敢及光卒紹祕不發喪纂排閭入哭盡哀而出紹懼以位讓之纂不許光弟子超謂紹曰纂為將積年威震內外臨喪不哀步高視遠必有異志宜早除之紹曰先帝言猶在耳奈何棄之縱其圖我我視死如歸終不忍有此意也弘謂纂曰主上閭弱未堪多難兄宜為社稷計不可徇小節也纂弘於是夜帥壯士攻廣夏門左將軍齊從抽劍直前斫纂中額左右擒之纂曰義士也勿殺呂超帥卒二千赴難衆素憚纂不戰而潰纂入升殿紹自殺超奔廣武纂憚弘兵彊以位讓之弘不受纂乃即天王位以弘為大都督錄尚書事纂叔父方鎮廣武纂遣使謂曰超實忠臣義勇可嘉但不識權變之宜方賴其用可以此意諭之超上疏陳謝集覽永業紹實實太原郡名注見齊明帝復其爵位集覽小字建武三年并州蕭牆猶

言屏牆也馮敬曰蕭肅也臣之見君至屏而加肅敬故曰蕭牆一統志云廣武秦地名漢為枝陽縣地前涼置廣武郡於此隋罷郡置廣武縣唐寶應間陷於吐蕃故城在臨洮府蘭縣西二百二十里

庚子四年

燕長樂二秦弘始二魏天興三年○南燕建平元年南涼王禿髮利鹿孤建和元年○西涼公李

嵩庚子元年○是歲西秦降秦舊大國三涼南涼北涼南燕小國四新小國一凡八僭國春正月燕

主盛自貶號為庶人天王○西秦遷都苑川質實

苑川郡名

注見孝武帝太元十年

○二月燕主盛襲高句麗拔二城

高句麗王安事燕禮慢燕主盛自將兵質實

高句麗東夷國

三萬襲之拔新城南蘇開境七百餘里名注見新莽始建國四年新城南蘇二城名未詳處所

三月魏立慕容氏為后

初魏主珪納劉頭眷之女寵冠後庭生子嗣及克中山獲燕主寶之幼女將立皇后用其國故事鑄金人以卜之慕容氏所集覽鑄金人按元魏故事凡欲立鑄成遂立為后皇后皇子必先以金鑄其像而占之以鑄成者為質實中山國名注見周吉不成則不得立也威烈王二十三年

詔桓玄都督荊江八州軍事荊江州刺史考異

提要無詔字

玄既克荊雍表求領荊江詔以玄都督荊司等七州軍事領荊州刺史玄固求江州乃加督八州領二州刺史玄輒以兄偉為雍質實荊雍二州名荊注見漢州刺史朝廷不能違獻帝建安十二年雍注

見漢獻帝建安十二年襄陽江州名注見漢武帝元鼎五年豫章司州名注見秦莊襄王元年三川郡

涼呂宏作亂涼王纂殺之考異

殺當作誅

涼王纂忌大司馬宏功高地逼宏亦自疑遂以東苑之兵作亂纂遣兵擊之宏衆潰出走纂兵大掠悉以東苑婦女賞軍宏妻子亦在其中侍中房晷曰天禍涼室憂患仍臻雖宏自取夷滅亦由陛下無棠楸之恩當省己責躬以謝百姓乃更縱掠士女百姓何罪且宏妻陛下之弟婦宏女陛下之姪也奈何使無賴小人辱為婢妾乎遂殺獻流涕纂改容謝之召宏妻子寘東宮厚撫之宏將奔南涼道過廣武呂方見之大哭曰天下甚寬汝何為至

集覽

棠楸之恩棠楸小雅詩周公弔二叔

之不咸而使兄弟之恩疏召公為作此詩而歌之以親之左傳僖公二十四年富辰曰召穆公思周德之不類故糾合宗族於成周而作詩曰棠質實東苑地隸之華鄂不韡韡凡今之人莫如兄弟

質實

名未詳

所處

北涼以李嵩為敦煌太守

初隴西李嵩好文學有令名孟敏為沙州刺史以嵩為效穀令敏卒治中索僊等以嵩溫毅有惠政推為敦煌太守請於段業業因授之將軍索嗣言於業曰嵩不可使處敦煌業以嗣代嵩使帥五百騎之官嵩遣同母弟宋繇逆擊之嗣敗走

集覽

效穀縣本魚澤障

漢武時濟南崔不意為魚澤尉教民力田以勤效得穀因立縣名焉按敦煌在長安西二千八百里

實

隴西郡名注見秦王政三年沙州注見漢武帝元朔三年敦煌治中官名事物紀原云秦置郡丞以

佐郡守左邊為長史掌兵馬漢因之又設治中別駕於右邊主衆曹文書隋開皇中改別駕治中為長史

司馬大業中罷之尋置贊治又置通守唐武德中又改贊治曰治中敦煌郡名注見漢武帝元朔三年

夏五月孫恩復寇會稽太守謝琰敗死恩轉寇臨海遣兵討之不克

謝琰鎮會稽不能綏懷又不為武備諸將咸諫曰賊近在海浦伺人形便宜開其自新之路琰不聽既而恩寇浹口入餘姚破上虞乘勝徑至會稽琰出戰兵敗為帳下所殺恩轉寇臨海朝廷大震遣將軍桓石才高雅之等拒

質實

一統志云浹口即大浹江之口在寧波府定海縣治南東晉末

劉裕與孫恩戰退還浹口即此餘姚縣名注見康帝建元元年上虞古邑名舜封支庶於會稽故邑即此秦為縣屬會稽郡東漢順帝時分置始寧縣隋初以上虞始寧二縣廢入會稽縣唐貞元初復置上虞縣

屬越州宋元俱仍舊本朝因之改屬紹興府臨海郡名注見孝武帝太元二年

六月朔日食○秋七月太皇太后李氏崩○秦擊西秦西秦王乾歸戰敗奔南涼遂降秦

後秦遣姚碩德伐西秦西秦王乾歸使將軍慕容元等屯守秦軍樵采路絕秦王興潛引兵救之乾歸聞之自將輕騎數千前候秦軍會大風昏霧與中軍相失入於外軍戰敗走歸其衆皆降興進軍枹罕乾歸奔金城將復西走謂諸豪帥曰今舉國而去必不得免卿等宜留此降秦以全宗族皆曰死生願從陛下乾歸曰吾今將寄食於人若天未亡我庶幾異日克復舊業復與卿等相見今相隨而死無益也乃大哭而別遂奔允吾乞降於南涼南涼王利鹿孤待以上賓秦兵既退南羌梁戈等密招乾歸乾歸將應之或以

白利鹿孤乾歸懼為所殺乃送太子熾磐等於
西平南奔袍罕遂降於秦久之熾磐亦逃歸

集覽

允吾允音鉛吾音牙縣實實袍罕縣名注見漢靈帝
名也屬金城郡在河西中平元年金城郡名注

見元帝永昌元年允吾縣名
注見漢光武建武中元二年

九月地震

書法

自晉武太康九年書地震至是一百一十三
年然後復見自是至於五代書地震九而已

然則地震之數莫甚於兩
漢者矣兩漢書地震九十

○冬十一月詔劉牢之討孫恩走之

劉牢之討孫恩恩走入海牢之東屯上虞使劉
裕戍句章吳國內史袁粲築浣瀆壘以備之

集覽

句章注見漢武帝元鼎六年滬瀆滬水名滬瀆在秀州華亭縣東江之側蓋虞潭袁崧防海處又在蘇州吳縣界陸龜蒙叙矢魚之
質實吳國注見漢獻帝建興三年袁崧陽夏人具云列竹於海滬曰滬
喬之子一統志云滬瀆城名在蘇州府城東一百里唐陸龜蒙叙矢魚之具云列竹於海滬曰滬蓋以此名瀆晉吳郡太守袁崧築壘於此以備孫恩今名滬瀆城又名袁崧城

以會稽世子元顯都督揚豫等十六州軍事○李嵩自

稱凉公

北凉晉昌太守唐瑤叛移檄六郡推嵩為沙州刺史凉公嵩遣宋繇東伐凉興并擊玉門已西諸城皆下之是為
質實晉昌郡名注見漢靈帝中平五年沙州注見漢武帝元朔三年玉門關注同上

元昂
二年

十二月有星孛於天津會稽世子元顯解錄尚書事

元顯以星變解錄尚書事復加尚書令吏部尚書車
胤以元顯驕恣白會稽王道子請禁抑之元顯問道
子曰車武子屏人言及何事道子怒曰爾欲幽我不
令與朝士語邪元顯出謂其徒曰胤問我父子胤懼
自殺魏太史屢奏天文垂亂魏主珪自覽占書云當
改王易政乃下詔風厲羣下以帝王繼統皆有天命
不可妄干又數變易**集覽**厭塞厭音益涉反質實天
官名欲以厭塞災異**廣雅**云厭鎮也
注見義熙十四年車胤南平
人育之子武子車胤表字

魏置僊人博士

儀曹郎董謚獻服餌僊經珪置僊人博士立僊坊
煮鍊百藥成令死罪者試服之不驗而訪求不已

書法

僊人博士何方士也魏主卒以寒食散誤故
特書譏之自是服僊藥者唐太宗於天竺方

士憲宗於柳泌武宗於趙歸真宣宗於李玄伯受
誤不一書矣綱目書方士十四人詳秦始皇二十
八年書僊人博
士者一而已

發明

魏前日置五經博士是也今乃置僊人博士
此何義哉且所謂僊者徒有其名而已今乃

置官以領之則其謬妄不
言可知書以譏之宜矣

魏殺其左將軍李粟

魏主珪常以燕主垂諸子分據勢要使權柄下移遂
至敗亡深非之博士公孫表布旨上韓非書勸珪以

法制御下李粟性簡慢對珪疎放不肅咳唾任情珪積其宿過誅之羣下皆震栗

質實

韓非書即

刑名法律之學注見漢武帝建元元年

南燕王德稱帝更名備德

備德嘗問羣臣朕可方古何主鞠仲曰陛下中興聖主少康光武之儔也備德顧左右賜仲帛千匹仲以多辭備德曰卿知調朕朕不知調卿邪韓範進曰天子無戲言今日之論君臣俱失備德大悅賜範絹五十匹

質實

少康夏后氏中興之君詳見通鑑外紀光武東漢中興之君詳見漢書本紀

辛丑五年

燕主慕容熙光始元秦弘始三魏天興四年○涼王呂隆神鼎元北涼王沮渠蒙遜永安元年

考異

主當作王提要注燕昭文帝

春正月南涼置都督中外錄尚書

官

南涼王利鹿孤欲稱帝將軍鑰勿崙曰吾國生長塞外居處無一定逐水草遷徙無城郭室廬故能雄視沙漠抗衡中夏今舉大號誠順民心然建都立邑難以避患儲畜倉庫啓敵人心不如處晉民於城郭勸課農桑以供資儲帥國人以習戰射鄰國弱則垂之強則避之此久長之策也且虛名無實徒為世之質的將安用之利鹿孤乃更稱河西王

集覽

鑰勿崙人名也鑰托

以其弟傳檀都督中外錄尚書事

侯反質的詩發彼有的注毛云的質也周禮注鄭衆馬融云鵠之中二尺曰正四寸曰質王肅又引小爾雅鵠之中謂之正正方二尺正中謂之摯摯則質也今按鄉射記天子熊侯白質諸侯麋侯赤質大夫布侯畫虎豹士布侯畫鹿豕凡畫者丹質鄭云白質赤質皆謂采其地又荀子質的張而弓矢至馬楊倞法

云質射侯也的正鵠也然則毛以的為質鄭馬謂四寸曰質王謂正之中為鵠而鵠為質者皆誤矣俾檀利鹿孤之弟質實被髮左衽注見漢靈帝中平二年俾奴篤反沙漠注見宋文帝元嘉元年沙南

二月孫恩寇句章劉牢之擊走之考異

擊走當作討破據三年書劉牢

之討破之四年書遣兵討之劉牢之討孫恩走之並不書擊

○秦使乞伏乾歸還鎮

苑川質實

苑川地名注見孝武帝太元十年

○涼呂超弒其君纂而立

其兄隆纂后楊氏自殺

纂嗜酒好獵太常楊穎諫之不悛番禾太守呂超擅擊鮮卑思盤纂命超及思盤入朝超懼至姑藏深自結於殿中監杜尚纂見超責之曰卿恃兄弟桓桓乃敢欺吾要當斬卿天下乃定然實無意殺之也因引

超思盤及羣臣宴於內殿超兄中領軍隆數勸纂酒
纂醉超取劍擊殺之纂后楊氏命禁兵討超杜尚止
之皆捨仗不戰超讓位於隆隆遂即天王位以超都
督中外錄尚書事楊后將出宮超恐其挾珍寶命索
之后曰爾兄弟不義手刃相屠我旦夕死人安用寶
為超又問玉璽所在后曰已毀之矣后有美色超將
納之謂其父桓曰后若自殺禍及卿宗桓以告后后
曰大人賣女與氏以圖富貴一之為甚其可再乎遂
自殺桓

集覽

番禾音盤和武威郡屬縣在涼州或曰
金城郡也桓桓書牧誓篇勗哉夫子尚

桓桓蔡氏傳
桓桓威武貌

質實

河西郡名注見漢
安帝元初二年

書法

秦后毛氏書死之孝武帝太元十四年此其
書自殺何毛氏死難書死之宜也呂纂之弑

楊氏非有決死之心不為呂超所逼未必自殺
其與死難者固異矣書曰自殺權衡之辭也

三月孫恩攻海鹽劉牢之叅軍劉裕擊破之考異

提要
攻作

寇據上會稽臨海句章下丹徒皆書寇此誤
書攻當從提要作寇○又誤書擊當作討

恩北趣海鹽劉裕隨而拒之城中兵少裕夜偃旗匿
衆明晨開門使羸疾數人登城賊遙問裕所在曰夜
已走矣賊爭入城裕奮擊大破之思
集覽
海鹽今嘉興府海鹽

州按嘉興古秀
質實
一統志云海鹽秦之縣名屬會稽郡漢因之王莽改曰展武縣

後陷為湖移治武原鄉改為武原縣東漢復為海鹽
縣屬吳郡又改為故邑縣晉復為海鹽陳省入鹽官
縣唐初復置五代晉時屬秀州宋初仍舊後屬
嘉興府元陞為州本朝仍置為縣屬嘉興府

南涼擊涼徙其民二千戶以歸

其後南涼王利鹿孤命羣臣極言得失從事史嵩曰
陛下命將出征往無不捷然不以綏寧為先唯以徙
民為務民安土重遷故多離叛此所以

集覽

寧旗注
見陳宣

帝太建
十一年

夏五月北涼沮渠蒙遜弑其君業

北涼王業憚沮渠蒙遜勇畧蒙遜亦深自晦匿張掖
太守馬權素豪雋為業所親重意輕蒙遜蒙遜諧而
殺之乃謂其兄男成曰段公非撥亂之主向所憚者
馬權今權已死欲除之以奉兄何如男成曰人親信
我圖之不祥蒙遜乃求為西安太守因與男成約同
祭蘭門山而陰使人先告男成欲為亂以求祭蘭門
山為驗至期果然業收男成賜死男成曰蒙遜先與
臣謀反臣以兄弟之故隱而不言今以臣在恐部衆

不從故約臣祭山而反誣臣其意欲王之殺臣也乞
 詐言臣死暴臣罪惡蒙遜必反然後使臣討之無不
 克矣業不聽殺之蒙泣告衆曰男成忠於段王而
 無故枉殺之諸君能為報讐乎男成素得衆心衆皆
 憤怒爭奮北至氐池羌胡多起兵應之業先疑將軍
 田昂囚之至是召之使討蒙遜昂以衆降業軍遂潰
 蒙遜入張掖業謂曰孤孑然一已為公家所推願丐
 餘命東還與妻子相見蒙遜斬之業儒素長者無他
 權畧威禁不行羣下擅命質實張掖郡名注見漢後
 允信卜筮巫覡故至於敗質實主建興十三年西安
 郡名未詳沿革蘭門山未詳處所氐池
 未詳處所巫覡注見漢隱帝乾祐三年

孫恩陷滬瀆殺吳國內史袁崧質實

滬瀆城名注見隆安四年吳國注見

漢獻帝建興三年

○六月孫恩寇丹徒劉裕擊破之恩北走陷

廣陵考證

擊當作討

孫恩浮海奄至丹徒戰士十餘萬樓船千餘艘建康震駭內外戒嚴劉牢之使劉裕自海鹽入援裕兵不

滿千人倍道兼行與恩俱至丹徒守軍莫有鬪志恩帥衆鼓譟登蒜山居民皆荷擔而立裕帥所領奔擊

大破之恩狼狽僅得還船然恩猶恃衆復整兵向京師譙王尚之帥精銳馳至恩樓船高大沂風不得疾

行數日乃至白石聞尚之在建康牢之至新洲乃浮海北走郁洲攻陷廣陵桓玄厲兵訓卒常伺朝廷之

隙聞恩逼京師建牙聚衆請討之後將軍集覽建牙元顯大懼會恩退以詔書止之玄乃解嚴

漢獻帝初平質實丹徒縣名注見漢景帝三年建康三年牙門

志云蒜山在鎮江府城西五里大江岸上山多澤蒜因名或云吳周瑜與蜀諸葛亮議拒曹操於此籌算

又曰箕山東晉末劉裕大破孫恩於此南唐徐知誥嘗遊此山會僚屬狼狽注見漢獻帝初平三年京師注見周顯王二十五年白石壘名注見宋明帝泰始元年白下新洲未詳處所郁洲山名在淮安府朐山東北海中有大洲謂之鬱洲又名郁洲一名郁鬱山一名蒼梧山或云昔從蒼梧飛來

沮渠蒙遜自稱張掖公

亦號北涼

秋七月魏狗許昌東至彭城質實

許昌縣名注見漢獻帝興平元年彭城郡

名注見秦始皇二十八年

○秦伐涼大破之西涼南涼北涼皆遣使

入貢於秦

涼王隆多殺豪望人不自保魏安人焦朗使人說後
秦姚碩德曰呂氏兄弟相賊政亂民饑乘其篡奪之
際取之易於反掌不可失也碩德以告其主興而從
之自金城濟河直趣姑臧隆遣呂超等逆戰碩德大
破之隆嬰城固守於是西涼公崑河西王利鹿孤張
掖公蒙遜各遣使奉表入貢於秦秦主興聞楊桓之
賢而徵之利集覽姑臧涼所都注見漢實實魏安疑
鹿孤不敢留光武建武十二年是郡縣
之名按一統志襄陽府漢川縣即西魏時魏安郡又
重慶府墊江縣乃後周時魏安縣此二處未知孰是
所以不敢註之智者察焉河西
郡名注見漢安帝元初二年

八月以劉裕為下邳太守討孫恩於郁洲大破之質實

下邳郡名注見

漢高帝六年

恩由是衰弱復緣海
南走裕隨而擊之

燕段璣弑其君盛太后丁氏立盛叔父熙討璣殺之考

異

按璣弑逆之臣
當書誅誤作殺

燕王盛懲其父寶以懦弱失國自矜聰察多所猜忌
羣臣有纖介之嫌皆先事誅之人不自保初段太后
兄之子璣為反者段登辭所連及逃奔遼西復還歸
罪盛赦之使尚公主入直殿內至是作亂盛帥左右
出戰被傷而卒中壘將軍慕容拔白太后丁氏以國
家多難宜立長君時衆望在盛弟平原公元而河間
公熙素得幸於丁氏乃廢太子定迎熙入
宮即天王位捕璣等夷三族元定皆賜死
集覽尚公
羊傳注天子嫁女於諸侯必有諸侯同姓者主之故
謂之公主漢書注劉貢父曰予謂公主之稱本諸秦

舊男為公子女為公主古者大夫妻稱主故以公配之若謂同姓主之故謂之公主則是周之事秦不知用也韋昭曰尚奉也奉事公主也也實實遼西郡名注見漢獻帝建不敢斥言娶顏師古曰尚配也

安十年平原郡名注見漢光武建武五年河間郡名注見漢帝立更始二年

九月涼王隆遣使降秦

秦隴西公碩德圍姑臧累月撫納夷夏分置守宰節食聚粟為持久計呂超言於涼王隆曰今資儲內竭上下嗷嗷當卑辭以退敵敵去之後修政息民若卜世未窮何憂舊業之不復若天命去矣亦可保全宗族隆乃遣使請降於秦碩德表隆為涼州刺史碩德軍令嚴整秋毫不犯祭先賢禮名士西土悅之實

實

隴西郡名注見秦王政三年

冬十一月劉裕追擊孫恩破之考異

此誤書擊當作討

○涼攻

魏安南涼救之

涼呂超攻焦朗於魏安朗請救於南涼利鹿孤遣將軍俸檀赴之比至超已退朗閉門拒之俸檀怒將攻之將軍俱延曰朗孤城無食今年不降後年自服何必多殺士卒以攻之若其不捷彼必去從他國棄州境士民以資隣敵非計也不如以善言諭之俸檀乃與朗連和尋伐取之

桓玄表桓偉鎮夏口刁暢鎮襄陽

桓玄表其兄偉為江州刺史鎮夏口司馬刁暢督八郡鎮襄陽遣其將馮該戍湓口自謂有晉國三分之二數使人上已符瑞欲以惑衆又致牋於會稽王道子曰賊造近郊以風不得進食盡故去非力屈也昔

國寶死後王恭不乘此威入統朝政足見其心非侮
於明公也而謂之不忠今之腹心誰有時望豈無佳
勝直是不能信之耳元顯見之大懼張法順謂曰玄
承藉世資素有豪氣既并殷楊專有荆楚第下所控
引止三吳耳今東土塗地公私困竭玄必乘此縱其
姦凶元顯曰為之奈何法順曰玄始得荊州人情未
附若使劉牢之為前鋒而以大軍繼進玄可取也元
顯以為然會武昌太守庾楷密使人自結於元顯請
為內應元顯大喜遣法順至京口謀於牢之牢之以
為難法順還曰觀牢之言色必貳於我不如召入殺
之不爾敗人大事元顯不集覽殷楊謂殷仲堪楊佺
從於是大治水軍謀討玄期前年為玄所殺也

質實

見漢獻帝建安十三年溫口地名注見元興三

年襄陽縣名注見漢獻帝建安十二
年武昌郡名注見漢後主建興七年

壬寅 元興元年

○燕光始二秦弘始四魏天興五
○南涼王秃髮傉檀弘昌元年

春正月以

尚書令元顯為征討大都督加黃鉞討桓玄考異

提要會

稽世子
元顯

下詔罪狀桓玄以元顯為驃騎大將軍征討大都督
加黃鉞劉牢之為前鋒譙王尚之為後部張法順言
於元顯曰桓謙兄弟每為上流耳目而牢之反覆萬
一有變則禍敗立至可令牢之殺謙兄弟以示無貳
若不受命當逆為其所元顯曰今非牢之無以敵玄
且始事而誅大將人情不安又以桓冲有遺惠於荆
土而謙其子也乃除謙荆質實
黃鉞注見漢後主建
興六年桓冲譙國人
桑之子荆州注見漢
獻帝建安十二年

柔然據漠北自稱可汗

初魏主珪遣賀狄干獻馬求昏於秦秦王興聞魏已立慕容后止狄干而絕其昏由是魏與秦有隙攻其屬國沒奕干黜弗素古延柔然社崙方睦於秦遣將救之大敗遠遁漠北奪高車之地而居之遂吞併諸部士馬繁盛雄於北方其地西至馬耆東接朝鮮南臨大漠旁側小國皆羈屬焉自號豆代可汗始立約東以千人為軍軍有將百人為幢幢有帥攻戰先登者賜以虜獲畏懦者以石擊其首殺之

沒奕干注見穆帝升平四年黜弗素後秦之屬國實古延亦後秦屬國柔然社崙社崙柔然國王名

實馬耆西域國名注見漢安帝永寧元年朝鮮東夷國名注見漢武帝元封二年

南涼攻涼顯美克之

南涼王禿髮傉檀克顯美執太守孟禕而責其不早降禕曰禕受呂氏厚恩分符守土若明公大軍甫至望旗歸附恐獲罪於執事矣傉檀釋而禮之以為左司馬禕辭曰禕為人守城不能全復忝顯任於心竊所未安若蒙明公之惠使得就戮

質實

顯美疑是郡名未詳沿革

姑臧縣名注見漢光武建武十二年

桓玄舉兵反

東土遭孫恩之亂因以饑饉漕運不繼桓玄禁斷江路商旅俱絕公私匱乏以糗糧給士卒玄謂朝廷多虞必未暇討已可以蓄力觀釁及聞大軍將發乃大驚欲完聚保江陵長史卞範之曰明公威振遠近元顯口尚乳臭劉牢之大失物情若兵臨近畿示以禍福土崩之勢可翹足而待何有延敵入境自取窮蹙

者乎玄從之留桓偉守江陵抗表傳檄罪狀集覽粹
元顯舉兵東下檄至元顯大懼下船而不發

糗扶牛反糗粥也質實饑餓注見義熙十年江陵縣
橡似兩反栩實也名注見漢獻帝建安十三年

傳檄注見楚義帝元年檄剋
足注見漢光武建武九年

書法

書討書拒恒也此其書反何討玄之師未至
而玄兵先至姑孰矣元顯逗遛之罪可勝誅

哉

二月魏龍襲沒奕干沒奕干奔秦

魏常山王遵等率兵襲沒奕干至高平沒奕干棄其
部衆帥數千騎與劉勃勃奔秦州魏軍盡獲其府庫
蓄積馬四萬餘匹徙其民於代集覽劉勃勃注見懷
都復遣兵侵河東長安大震帝永嘉四年

弗質實

高平縣名注見漢光武建武六年秦州注同上建武八年河東郡名注見漢獻帝建安七

年長安縣名注

見漢惠帝五年

秦立子泓為太子

泓孝友寬和喜文學善談詠而懦弱多病質實孤疑秦王興欲以為嗣而孤疑不決久乃立之注見

秦王政

三年

北涼攻涼姑臧不克

姑臧大饑餓死者十餘萬口城門晝閉樵采路絕沮渠蒙遜引兵攻之涼王隆擊破其軍蒙遜請盟留穀

萬餘斛

遺之

玄兵至姑孰三月劉牢之叛附於玄元顯軍潰玄入建康自以太尉總百揆殺元顯等以牢之為會稽內史牢之自殺

桓玄發江陵慮事不捷常為西還計及過尋陽甚喜詔遣齊王柔之以騎虞幡止之為玄所殺玄至歷陽襄城太守司馬休之敗走譙王尚之衆潰玄捕獲之劉牢之素惡元顯又慮功高不為所容自恃材武擁強兵欲假玄以除執政復伺玄隙而自取之參軍劉裕請擊玄牢之不許玄使牢之族舅何穆說之曰自古戴震主之威挾不賞之功而能自全者誰邪今戰勝則傾宗戰敗則覆族不若翻然改圖則可以長保富貴矣牢之遂與玄通東海何無忌牢之之甥也與劉裕極諫不聽其子敬宣又諫牢之怒曰吾豈不知

今日取玄如反覆手但平玄之後令我奈驃騎何遂遣敬宣詣玄請降玄陰欲誅牢之乃與敬宣宴飲陳名書畫共觀之以安悅其意敬宣不覺也元顯將發聞玄已至新亭棄船退軍二日復出陳於宣陽門外軍中相驚言玄已至南桁元顯遂引兵欲還宮玄遣人拔刀隨後大呼曰放仗軍人皆奔潰元顯走入東京師稱詔解嚴自為丞相總百揆都督中外錄尚書事揚州牧復讓丞相而為太尉以桓偉為荊州刺史桓脩為徐兗刺史桓石生為江州刺史卞範之為丹陽尹王謐為中書令徙會稽王道子於安成郡斬元顯尚之庾楷張法順以劉牢之為會稽內史牢之曰始爾便奪我兵禍其至矣敬宣勸牢之襲玄牢之猶豫告劉裕曰今當北就高雅之於廣陵舉兵以匡社稷卿能從我乎裕曰將軍以勁卒數萬望風降服彼新得志威震天下朝野人情皆已去矣廣陵可得至

邪裕當反服還京口耳退謂何無忌曰吾觀鎮北必不免卿可隨我還京口玄若守臣節當與卿事之不

然當與卿圖之於是牢之大集僚佐議據江北以討玄叅軍劉襲曰事之不可者莫大於反將軍往年反

王兖州近日反司馬郎君今復反桓公一人三反何以自立語畢超出佐吏多散走牢之懼帥部曲北走

至新洲集覽時元顯為驃騎將軍牢之素惡之故云

新亭金陵覽古新亭在江寧縣南十里附近江渚周顗嘗與羣公遊宴於此南桁桁與航通方舟也駕方

舟以為橋在國之南故名南桁放仗呼令放棄兵仗東府輿地志東府城晉安帝所築其城西本簡文帝

為會稽時第其東丞相會稽王道子府謝安石薨以道子代鎮揚州州在第西故時人號為東府西州總

百揆書舜典納於百揆蔡氏傳曰揆度也百揆揆度庶政之官惟唐虞有之猶周之冢宰也

質實

姑孰縣名注見明帝太寧元年尋陽縣名注見漢獻
帝建安十五年歷陽縣名注見漢冲帝永嘉元年襄
城郡名注見周赧王十五年東海郡名注見秦二世
年一統志云新亭在應天府城南一十五里附近
江渚東晉初過江僕射周顗與羣公遊宴於此顗嘆
曰風景不殊舉目有江山之異因而流涕王導曰諸
公當戮力王室尅復神州何至作楚囚對泣邪衆皆
肅然整容東府城名在應天府清溪橋東南臨淮水
晉會稽王道子領揚州其宅在州東故號曰東府安
成郡三國吳所置治平都縣晉廬陵郡屬揚州安成
郡屬荊州元康初俱屬江州隋廢二郡以廬陵縣置
吉州大業初復為廬陵郡唐改吉州天寶初改廬陵
郡乾元初復為吉州屬江南西道宋屬江南西路元
初為吉州路後改吉安路本朝改為吉安府屬江
西道丹陽郡名注見漢獻帝興平二年金陵猶豫注
見秦孝文王元年京口郡名注見成帝咸和三年王

兗州謂王恭司馬郎君謂司馬元顯桓公謂桓玄部曲注見唐代宗廣德元年

書法

詳牢之懲
叛者也

發明

前日王恭書反故牢之無嫌於執之以降今日桓玄書反是亦前日之王恭也牢之不惟

不能討玄而誅之乃為其所怵反附於玄故綱目書叛以正其誅夫小人反覆本不足道也特書法之間不可以不嚴爾○桓玄隆安二年已與王恭同反陷江州時玄尚未有所統朝廷既不能討乃就用為刺史未幾又加都督四郡反欲仗玄以制殷楊二人既戮玄遂都督荆江八州非復前日之玄矣孫恩連年入寇玄幸晉朝顛覆以為已利又表桓偉鎮夏口刁暢鎮襄陽凶威既熾朝廷方謀討之玄遂舉兵肆逆誘牢之破官軍殺元顯自搃百揆於是篡勢竟成不可復止然玄本斗筭之才

初非其父溫之比遭值晉室衰微得逞其欲追繼
乃父凶德以成厥志綱目削去其官書反書討書
入不以亂故不正其名然而時元顯任征討之
責不戰而潰遂無一人抗拒其與王蘇之亂死節
赴難者史不絕書大不侔矣君子
觀此又可以知晉氏之盛衰云

孫恩寇臨海郡兵擊破之恩赴海死玄以恩黨盧循為

永嘉太守考異

擊當作討

孫恩寇臨海太守辛景擊破之恩所虜三吳男女死
亡殆盡恐為官軍所獲乃赴海死其黨從死者以百
數謂之水僊餘衆數千人復推恩妹夫盧循為主循
謀之曾孫也神采清秀雅有才藝少時沙門惠遠嘗
謂之曰君雖體涉風素而志存不軌如何桓玄欲撫
安東土乃以循為永嘉守循雖受命而寇暴不已

集覽

三吳蘇子瞻指掌圖序三蜀三吳之已殊注云三吳今蘇潤湖三州是也臨海本漢時治縣地

吳分為東部都尉在臨海後置臨海郡唐改為台州永嘉晉明帝立永嘉郡唐改温州宋升瑞安府

實

臨海郡名注見孝武帝太元二年不軌注見漢靈帝和光五年永嘉郡名注見漢惠帝三年東甌

書法

書玄以何著再亂之由也

南涼王利鹿孤卒弟儁檀立考異

立當作嗣

始稱涼王

質實

樂都郡名注見漢宣帝元康四年湟中

夏四月玄出屯姑孰

玄辭錄尚書事出屯姑孰大政皆就諮焉小事則決於尚書令桓謙及卞範之自隆安以來人厭禍亂玄

初至黠奸佞擢僞賢京師欣然冀得少安既而奢豪縱逸陵侮朝廷裁損乘輿供奉帝幾不免饑寒衆由是失質實姑孰縣名注見明帝太寧元年乘輿注見漢安帝延光四年

三吳大饑

三吳大饑戶口減半臨海永嘉殆盡富室皆衣羅紈懷金玉閉門餓死

五月盧循寇東陽劉裕擊走之考異

按上文書寇此質擊字當作計

實

東陽郡名注見哀帝興寧三年

○秦王興攻魏敗績其將姚平死之

秦王興大發諸軍遣義陽公平等將以伐魏興自將大軍繼之平攻魏乾壁拔之魏主珪遣長孫肥為前鋒自將大軍繼後以禦之平遣驍將帥精騎二百覘魏軍肥遂擊盡擒之平退走珪追及於柴壁平嬰城

固守魏軍圍之興將兵四萬救之將據天渡運糧以餽平魏博士李先曰兵法高者為敵所棲深者為敵所囚今秦皆犯之宜遣奇兵先據天渡柴壁可不戰而取也珪命增築重圍內防平出外拒興入將軍安同曰汾東有蒙阮東西三百餘里蹊徑不通興來必從汾西直臨柴壁如此敵聲勢相接重圍雖固不能制也不如為浮梁渡汾西築圍以拒之敵至無所施其智力矣珪從之帥步騎三萬逆擊興於蒙阮之南興退走四十餘里平亦不敢出興屯汾西東柏材從汾上流縱之欲以毀浮梁魏人皆鈎取為薪平糧竭矢盡夜悉衆突圍不得出乃帥麾下赴水死餘衆二萬餘人皆斂手就擒興力不能救舉軍慟哭數遣使求和於魏珪不許乘勝進攻蒲

集覽

汾東有蒙阮蒙阮在汾水之東

晉州質實

義陽郡名注見梁武帝太清二年汾東汾水之東注見周威烈王二十三年汾西汾

水之西注同上年浮梁注見周世宗顯德二年麾下
注見漢獻帝建安十四年蒲坂縣名注見周赧王十

二年

將軍司馬休之劉敬宣高雅之奔南燕

玄殺吳興守高素將軍竺謙之及劉襲等皆牢之北
府舊將也襲兄軌邀司馬休之劉敬宣高雅之等共
據山陽欲起兵攻玄不克而走將軍袁虔之劉壽等
皆往從之將奔魏至陳留南分為二輩軌休之敬宣
奔南燕虔之壽等奔秦魏主初聞休之等當來大喜
後怪其不至令兗州求訪獲其從者問之皆曰聞崔
逞被殺故奔二國魏主深悔集覽崔逞被殺事實實
之自是士人有過頗見優容在隆安三年

吳興郡名注見宋明帝泰始六年山陽郡名注見
帝奕太和四年陳留郡名注見周顯王二十九年

燕王熙殺其太后丁氏考異

一本作燕主誤按殺字當作弑據太元二十一年書

燕主寶弑其太后
段氏不書殺

燕王熙納苻謨二女有寵丁太后怨恚與兄子尚書
信謀廢熙立章武公淵事覺熙逼丁太后令自殺併

殺淵
及信質實
章武郡名注見
穆帝升平四年

書法

成殺故主班母羅氏非母后也故書殺丁氏
書太后矣則其不書弑何罪丁氏也初熙得

幸丁氏丁氏廢太子定而立之既而爭寵又欲廢
熙熙遂逼之自殺若此不足以母一國矣故特書
殺太后弑書殺終
綱目一而已矣

發明

此何以不書弑丁既失身於熙故不得為其
君母然猶書太后著熙墻茨之醜也

玄殺會稽王道子

玄使御史杜林防衛道子質實會稽郡名注見漢至安成林承玄旨酖殺之和帝永元元年

北涼梁中庸奔西涼

北涼西郡太守梁中庸叛奔西涼西涼公暲問曰我何如索嗣中庸曰未可量也暲曰嗣才度若敵我者我何能於千里之外以長繩絞其頸邪中庸曰智有短長命有成敗若以身死為負計行為勝則公孫瓚豈賢於劉虞集覽我何如索嗣前年李暲擊索嗣邪暲默然敗走還公孫瓚豈賢於劉虞漢獻

帝詔瓚計烏桓令受虞節度瓚性貪殘虞性仁愛二人不相平虞遂為瓚所斬事在初平四年

秦遣使授南凉北凉西凉官爵

癸卯 二年 燕光始三秦弘始五魏天興六年 春盧循使其

黨徐道覆寇東陽建武將軍劉裕擊破之考異

擊當作討

道覆循之
姊夫也

桓玄自為大將軍

玄上表請帥諸軍平關洛而諷朝廷不許乃云奉詔
故止玄初欲飭裝先命作輕舸載服玩書畫或問其
故對曰兵凶戰危朕有意外質實 關洛即關中洛陽

當使輕而易運衆皆笑之
宗開元十一年京兆洛陽注見周顯王三年

夏四月朔日食○南燕遣使隱覈蔭戶

南燕王備德優遷徙之民使之長復不役民緣此迭相蔭冒或百室合戶或千丁共籍以避課役尚書韓諱請加隱覈備德從之使諱集覽長復復音福除也巡行郡縣得蔭戶五萬八千長復永久除免徭

賦也諱

竹角反

五月燕作龍騰苑

燕王熙作龍騰苑方十餘里役徒二萬人築實實龍騰景雲山於苑內基廣五十步峯高十七丈

苑未詳處所

秋七月魏殺其平原太守和跋

跋奢豪喜名魏主珪惡而殺之使其弟毗等就與訣跋曰灋北土瘠可遷水南勉為生計毗等諭其意逃

入秦魏主怒滅其家將軍鄧淵從弟暉與跋善或諧之曰毗之出亡暉實送之魏主疑淵知其謀賜淵死

集覽

澠注見愍帝建興元年

秦徵呂隆為散騎常侍以王尚為涼州刺史

南北涼互出兵攻呂隆秦之謀臣言於秦主興曰隆今饑窘尚能自支若將來豐贍終不為吾有不如因其危而取之興乃徵呂超入侍遣齊難帥兵迎之隆素車白馬迎於道旁難以司馬王尚行涼州刺史鎮姑臧徙隆宗族及民萬戶于長安興以隆為散騎常侍超為安定守郭麇奔晉秦人追殺之

集覽

郭麇姓名質實

涼州注見唐中宗景龍二年長安縣名注見漢惠帝五年姑臧縣名注見

漢光武建武十二年安定郡名注同上元年

劉裕追盧循至晉安破之

何無忌潛詣裕勸於山陰起兵討桓玄裕謀於土豪孔靖靖曰山陰去都道遠舉事難成不如待玄篡位於京口圖質實晉安郡名注見漢武帝建元三年閏中何無忌東海郊人一統志云山陰秦之縣名屬會稽郡以邑在山之陰故名漢為郡都尉治東漢徙會稽郡治此隋初廢入會稽縣唐初復置宋元俱仍舊本朝因之為紹興府治所仍屬焉

九月玄自為相國封楚王加九錫

殷仲文卞範之勸玄早受禪朝廷冊命玄為相國總百揆封楚王加九錫楚國置丞相以下官桓謙私問彭城內史劉裕曰楚王勲德隆重朝廷之情咸謂宜有揖讓卿以為何如劉裕曰楚王勲德蓋世晉室民

望久移乘運禪代有何不可質實九錫注見漢平帝
謙即喜曰卿謂之可即可耳元始五年桓譙
人國

南燕講武城西

高雅之表南燕主備德請伐玄曰縱未能廓清吳會
亦可收江北之地韓範亦上疏曰晉室衰亂戎馬單
弱重以桓玄悖逆上下離心拓地定功正在今日失
時不取彼之豪傑誅滅桓玄更脩德政則無望矣備
德因講武城西步卒三十七萬人騎五萬三千匹
車萬七千乘公卿皆以玄新得志未可圖乃止

實

吳會郡名注見漢
獻帝建安十二年

冬十一月楚王玄稱皇帝廢帝為平固王遷於尋陽

玄表請歸藩使帝作手詔固留之詐言錢塘臨平湖
開江州甘露降使百僚集賀為已受命之符又以前
世皆有隱士恥獨無之求得皇甫希之給其資用使
居山林徵為著作郎又使固辭然後下詔旌禮號曰
高士時人謂之充隱又欲廢錢用穀帛及復肉刑制
作無定卒無所施性復貪鄙人士有法書好畫及佳
園宅必假蒨博而取之尤愛珠玉未嘗離手至是卞
範之為禪詔逼帝書之遣司徒王謐禪位於楚出居
永安宮百官詣姑孰勸進玄築壇于九井山北即帝
位改元永始封帝為平固王遷於尋陽玄入建康宮
登御座而床忽陷羣下失色殷仲文曰將由聖德深
厚地不能載玄大悅玄臨聽訟觀閱囚徒罪無輕重
多得原放有干輿乞者時或卹之以其祖彞以上名
位不顯不復追尊獨納桓溫神主於太廟卞承之曰
宗廟之祭上不及祖有以知楚德之不長矣玄性苛
細好自矜伐主者奏事或一字片辭之謬必加糾擿

以示聰明或手注直官或自用令史詔令紛紜有司奉答不暇而紀綱不治奏案停積不能知也又性好

遊畋更繕宮室朝

集覽

錢塘臨平湖開錢塘今杭州野騷然思亂者衆是州北有大湖上有臨平鎮

即其地也三國吳人言於吳主孫皓曰臨平湖自漢末歲塞長老言湖塞天下亂湖開天下平今無故忽

開天下當太平青蓋入洛之祥也皓自以為已瑞時晉武帝咸寧二年也後四年皓降晉平固縣名屬南

康郡此南康今贛州是有干輿乞者質實

錢塘縣名時或卹之全本云其好行小惠如此注見漢獻

帝興平元年一統志云臨平湖在杭州府城東北六十里舊名鼎湖自漢末壅塞晉咸寧中復開父老相

傳云此湖開天下太平故名臨平著作郎官名事物紀原云漢之東京使名儒碩學入直東觀撰述國史

謂之著作以他官領之未以為官也魏太和中始置著作郎晉元興初又謂之大著此其始也肉刑注見

漢文帝十三年猶博即擣猶博奕也注見隋文帝開皇十七年九井山在太平府城南一十里山有九井世傳晉桓溫所鑿元和志殷仲文九月九日嘗從溫登九井賦詩即此勸進注見元帝建武元年姑孰縣名注見明帝太寧元年紀綱注見宋文帝元嘉元年教綱紀

書法

莽倫書自稱玄亦莽倫也其不書自何莽受金匱即服王冠御前殿下詔即真倫詐傳神

語逼奪璽綬備法駕入宮即皇帝位皆無故而然者也故書自玄則不然使下範之草為禪詔帝手

書之或者得以禪讓之說欺天下後世矣故從魏晉書法書稱書廢綱目一字之筆削豈苟然哉

發明

桓玄矯稱符命文飾姦詐大類王莽然綱目書其自為相國加九錫稱帝廢遷之類與歷

代無異何哉玄固無成之魏晉而魏晉乃有成之玄爾成敗雖有不同篡竊則出一轍此書法所以

不得不據
其實也

益州刺史毛璩起兵討玄

玄遣使加璩左將軍璩不受
命傳檄列玄罪狀進屯白帝
實實
益州注見武帝泰始八年白帝城名

注見漢獻帝建安十七年

書法

書起兵討予倡義也故
通鑑不書綱目特書之

魏初制冠服

魏始命有司制冠服以品秩
為差然法度草創多不稽古

甲辰
三年
燕光始四秦弘始
春二月劉裕起兵京口討玄

玄使弟謙拒之

劉裕從徐兗刺史桓脩入朝玄謂王謐曰裕風骨不
常蓋人傑也每遊集必引接殷勤贈賜甚厚玄妻劉
氏亦謂玄曰裕龍行虎步視瞻不凡恐終不為人下
不如早除之玄曰我方平蕩中原非裕莫可用者俟
關河平定別議之耳玄以桓弘鎮廣陵刁逵鎮歷陽
裕與何無忌同舟還京口密謀興復劉邁弟毅家於
京口亦與無忌謀之無忌曰桓氏強盛其可圖乎毅
曰天下自有強弱苟為失道雖強易弱正患事主難
得耳無忌曰草澤之中非無英雄也毅曰所見唯有
劉下邳無忌笑而不答還以告裕遂與定謀平昌孟
昶為桓弘主簿至建康還裕謂之曰草間當有英雄
起卿頗聞乎昶曰今日英雄有誰正當是卿耳於是
裕毅無忌昶及裕弟道規諸葛長民等相與合謀起
兵道規為桓弘參軍裕使毅就道規昶共殺弘據廣

陵長民為刁達叅軍使殺達據歷陽無忌夜草檄文
其母密窺之泣曰吾不及東海呂母明矣汝能如此
吾復何恨裕託以遊獵與無忌收合徒衆得百餘人
詰旦京口門開無忌著傳詔服稱敕使居前徒衆隨
之入斬桓脩以狗裕問無忌曰急須一府主簿何由
得之無忌曰無過劉道民道民者東莞劉穆之也裕
曰吾亦識之即馳信召馬時穆之聞京口譟聲晨
起出陌頭屬與信會直視不言者久之返室壞布裳
為袴往見裕裕曰始舉大義須一軍吏甚急卿謂誰
堪其選穆之曰倉猝之際畧當無見踰者裕笑曰卿
能自屈吾事濟矣即於坐署主簿孟昶勸桓弘其日
出獵天未明開門出獵人昶與劉毅劉道規帥壯士
數十人直入斬之因收衆濟江衆推裕為盟主總督
徐州事以昶為長史守京口裕帥二州之衆千七百
人軍於竹里移檄遠近玄加桓謙征討都督謙等請
亟遣兵擊裕玄曰彼兵銳甚計出萬死若有蹉跌則

彼氣成而吾事去矣不如屯大衆於覆舟山以拒之
彼空行二百里無所得銳氣已挫忽見大軍必驚愕
我按兵堅陣勿與交鋒彼求戰不得自然散走此策
之上也謙等固請乃遣吳甫之皇甫敷相繼北上玄
憂懼特甚或曰裕等烏合微弱勢必無成何慮之深
玄曰劉裕足為一世之雄劉毅家無擔石之儲擄猶
一擲百萬何無忌酷似其舅共舉

集覽

東海呂母新莽天鳳四年

大事何謂無成甫之玄驍將也

琅邪海曲有呂母者子為縣史宰以

質實

一統志云平昌漢之

縣名屬平原郡東漢改曰西平昌後魏復名平昌省
焉重平二縣入焉隋屬德州唐以殷縣省入五代唐
改為德平縣宋省入安德縣元符初復置屬德州金
元俱仍舊本朝因之改屬濟南府劉邁沛人劉下

邳謂劉裕為下邳守也建康郡名注見漢獻帝興平
二年歷陽縣名注見漢冲帝永嘉元年東莞郡名注

見義熙五年劉穆之莒人徙居京口竹里山名注見
隆安元年蹉跌注見漢順帝陽嘉二年覆舟山在應
天府城西北七里東連鍾山北臨玄武湖劉宋改名
真武山以其北臨玄武湖故名廣陵郡名注見漢武
帝元朔五年淮南酷似
其舅舅謂劉牢之也

南凉去年號罷尚書官

僞檀畏秦之強乃去年號罷尚書丞郎官遣參軍關
尚使于秦秦王興曰車騎獻款稱藩而擅造大城豈
為臣之道乎尚曰車騎僻在遐藩密通勅敵蓋為質
國家重門之防耳興善之僞檀求領涼州興不許

實

涼州注見唐中
宗景龍二年

三月劉裕及桓謙戰於覆舟山大破之玄出走裕立留

臺於石頭

三月朔裕軍與吳甫之遇於江乘斬之至羅落橋皇甫敷帥數千人逆戰又斬之玄使桓謙屯東陵卞範之屯覆舟山西合衆二萬明日裕軍食畢悉棄餘糧數道並前裕與劉毅身先士卒進突其陳將士皆殊死戰因風縱火謙等大潰玄先已潛使殷仲文具舟至是遂將其子昇鞭馬趣石頭浮江南走經日不食悲不自勝裕入建康明日徙屯石頭城立留臺百官焚桓溫神主迎晉新主納於太廟遣諸將追玄尚書王嘏帥百官奉迎乘輿誅玄宗族在建康者使臧熹入宮收圖書器物封閉府庫玄司徒王謐與衆議推裕領揚州裕固辭乃以謐為侍中領揚州刺史錄尚書事謐推裕為都督八州徐州刺史劉毅為青州刺史何無忌為琅邪內史孟昶為丹陽尹劉道規為義昌太守諸大處分皆委於劉穆之倉猝立定無不允

愜裕遂托以腹心時晉政寬弛綱紀不立豪族陵縱小民窮蹙穆之斟酌時宜隨方矯正裕以身範物先以威禁內外肅然○初謚為玄佐命元臣手解帝璽綬以授玄及玄敗衆謂宜誅裕特保全之劉毅嘗因朝會問謚璽綬所在謚內不自安逃奔曲阿裕追還復位諸葛長民至豫州失期不得發刁遠執之檻車送桓玄未至而玄敗送人共破檻出長民還趣歷陽遠棄城走其下執以送裕斬於石頭子姪皆死裕初名微位薄輕狡無行盛流皆不與相知惟王謚獨奇貴之謂曰卿當為一代英雄裕嘗與刁遠搏捕不時輸直遠縛之馬柳謚責遠而代償由是裕憾遠而德謚蕭方曰夫蛟龍潜伏魚鰕襲之是以漢高赦雍齒魏武免梁鵠安可以布衣之嫌而成萬乘之隙也今王謚為公刁遠亡族酬恩報怨何其狹哉○初袁真殺梁國內史朱憲憲弟綽奔桓溫溫克壽陽綽輒發真棺戮其尸溫怒將殺之桓冲請而免之綽事冲如

父冲薨綽嘔血而卒至是綽子齡石為劉裕參軍從至江乘將戰齡石請曰世受桓氏厚恩不欲以兵刃相向請在軍後

集覽

覆舟山在建康城北五里晉北郊壇宋藥園壘樂遊苑永井甘

露亭皆在此山漢高敕雍齒高帝平生所憎為最甚者雍齒也帝見諸將坐沙中語意其謀反故先赦雍齒而封之

正誤

魏武免梁鵠今按晉書衛恒傳梁鵠以書至選部尚書後奔劉

表魏武帝破荊州募求鵠鵠之為選部也魏武欲為洛陽令而以為北部都尉故懼而自縛詣門署軍假司馬在祕書

質實

江乘縣名注見漢後主建興二年東陵疑是地名未詳處所臧熹東

莞莒人熹之弟揚州刺史注見漢獻帝興平二年義昌郡名未詳處所璽綬注見漢光武建武二年曲阿縣名注見漢獻帝興平元年豫州注見周赧王三十七年陳梁國注見漢景帝三年壽陽郡名注見齊主

實卷永

元二年

魏詔縣戶不滿百者罷之○玄至尋陽逼帝西上劉毅

等率兵追之考異

提要劉上有青州刺史四字

桓玄於道自作起居注叙討劉裕經畧舉無遺策諸軍違節度以致奔敗專覃思著述不暇與羣下議事

質實

尋陽縣名注見漢獻帝建安十五年

劉裕推武陵王遵承制行事

裕稱受密詔以遵承制入居東質實武陵國名注見宮內外畢敬遷除稱制教稱令質實漢光武建武二

十四年承制謂承奉制詔也東宮注見宋文帝元嘉二十七年

劉敬宣司馬休之自南燕來歸

劉敬宣高雅之結青州大姓及鮮卑豪帥謀殺南燕王備德推司馬休之為主謀泄南走南燕人追殺雅之敬宣休之至淮泗間聞桓玄敗遂來歸劉質實鮮卑裕以敬宣為晉陵太守休之為荊州刺史

東方國名注見漢光武二十五年

書法

來者何喜辭也凡奔書歸嘉復義也玄虐出奔玄敗來歸二子可謂知節矣綱目予復義

故敬宣休之書元畧書元或書賀拔勝書獨孤信書

發明

敬宣休之出奔避桓玄也今而來歸則知義矣故書

夏四月玄挾帝入江陵

桓玄挾帝至江陵恐威令質實江陵縣名注見漢
不行更峻刑罰衆益離怨獻帝建安十三年

何無忌等及玄兵戰於桑落洲大破之得太廟神主送

建康考異

提要何上有琅邪內史四字

桓玄遣庾稚祖何澹之等守湓口何無忌劉道規至
桑落洲澹之等逆戰澹之常所乘舫旗幟甚盛無忌
曰賊帥必不居此欲詐我耳今衆寡不敵戰無全勝
此舫戰士必弱我以勁兵攻之必得之得之則彼勢
沮而我氣倍因而薄之破賊必矣遂攻得之因傳呼
曰已得何澹之矣賊軍驚擾官軍亦以為然乘勝大
破之遂克湓口進據尋陽遣集覽湓口漢灌嬰築湓
使奉送宗廟主祔還京師口城即此案十道
四蕃志太平寰宇記皆云湓水出青盆山因山名水
也字本不從水旁今盆作湓而或讀如噴則是世俗

所誤也又潁城注見梁敬帝太平元年桑落洲在大江之中江北則安慶府宿松縣相距百餘里江南則江州湖口縣也江州圖經云九江始於鄂陵終於桑落是已又東到武陵洲即桑落洲下尾也主祐神主注見漢光武建武二年宗祐實實一統志云潁口潁注見隋文帝開皇二十年浦之口在九江府城西一十五里源出瑞昌縣青盆山亦名盆水相傳昔嘗有人此處洗銅盆水忽暴漲失盆投水取之見一龍啣盆奪之而出故名盆水桑落洲在安慶府宿松縣南一百九十里九江口昔江口泛漲流一桑於此因名晉劉毅與盧循戰於桑落洲即此薄之注見齊和帝中興元年

玄挾帝東下

桓玄收集荊州兵曾未三旬有衆二萬復帥諸實實軍挾帝東下使徐放說劉裕等散甲裕等不聽實實

荊州注見漢獻
帝建安十二年

以劉敬宣為江州刺史質實

江州注見漢武帝
元鼎五年豫章

○燕起

逍遙宮

燕主熙於龍騰苑起逍遙宮連房數百鑿集覽
曲光海盛夏士卒不得休息暍死大半暍於

歇反中暑死也史記禹扇暍杜甫詩武王親救暍注
引世說周武王見暍人王下車自左擁而右扇之

質實

曲光海未
詳處所

書法

書起何峻宇也故以臺觀之辭書之凡宮殿
書起皆譏也終細目宮殿書起五漢武帝明

光明帝北宮燕逍遙陳後主三閣唐
憲宗承暉惟明帝既而罷之非譏辭

五月劉毅等及玄戰於崢嶸洲大破之玄復挾帝入江

陵寧州督護馮遷擊玄誅之帝復位考異

擊當作討

劉毅何無忌劉道規帥衆自尋陽西上與桓玄遇於崢嶸洲毅等兵不滿萬人而玄戰士數萬衆憚之欲退道規曰不可彼衆我寡強弱異勢今若不進必為所乘雖至尋陽豈能自固夫決機兩陣將雄者克不在衆也因麾衆先進毅等從之玄常漾舸於舫側以備敗走由是衆莫有鬪心毅等乘風縱火盡銳爭先玄衆大潰玄挾帝單舸西走留永安何皇后及王皇后於巴陵殷仲文因叛玄奉二后還建康玄與帝入江陵欲奔漢中而人情垂沮乃與腹心百餘人夜出更相殺害僅得至船左右奔散荊州別駕王康產奉帝入南郡府舍毛璩之弟子修之為校尉誘玄入蜀玄從之會璩弟寧州刺史璠卒官璩使兄孫祐之及

參軍費恬帥數百人送其喪遇玄於枝回州迎擊之督護馮遷抽刀而前玄曰汝何人敢殺天子遷曰我

殺天子之賊耳遂斬之乘輿反正於江陵以修之為驍騎將軍大赦諸以畏逼從逆者一無所問奉神主

于太廟毅等傳送

集覽

將雄者克史記趙奢傳譬猶兩鼠鬪於穴中將勇者勝正

義曰將平聲方來也謂方來者勇故勝乘輿反正乘輿注見漢安帝延光四年反通作返或解返正猶言

中興非是注見唐

正誤

將雄者克今按將字雖有史記為証但平聲者擬料將然

之辭今劉道規乃臨敵對衆勇決之辭當音去聲言主將雄勇者則克不在於軍士衆多也

質實

一統志云崢嶸洲在武昌府武昌縣一曰新生洲半屬黃州府黃岡縣晉劉毅破桓玄即此處漢中郡名

注見周赧王四年南郡注見漢獻帝建安十三年毛璩之榮陽陽武人巴陵郡名注見宋文帝元嘉三年

寧州注見漢武帝元狩元年滇國牧四洲
未詳處所大析釋名云析屋之橫木也

閏月桓振襲江陵陷之劉毅等進兵討之不克

毅等既戰勝以為大事已定不急追躡玄死幾一旬
諸軍猶未至桓謙及振竄匿復出聚衆襲江陵陷之
殺王康產振見帝於宮欲行弑逆謙苦禁之乃拜而
出為玄舉哀追謚謙帥羣臣奉璽綬於帝侍御左右
皆振腹心何無忌劉道規進攻謙於馬頭破之無忌
欲直趨江陵道規曰兵法屈伸有時諸桓世居西楚
羣小皆為竭力振勇冠三軍難與爭鋒且可息兵養
銳徐以計縻之不憂不克無忌不從振逆戰於靈溪
無忌等大敗質實一統志云馬頭山名在荊州府夷
陵州西北三十里靈溪未詳處所

唯韶州府樂昌縣東北五十里有靈溪源出靈君山
下與武水合流未知是否智者察之西楚注見楚義

帝元年尋陽縣名注見
漢獻帝建安十五年

六月毛璩遣兵攻梁州誅玄所署刺史桓希質實

梁州注見

周赧王四年漢中

○秋七月永安皇后何氏崩

書法

穆后也不書葬何簡也自哀帝立尊何皇后為穆皇后無母道矣於是又歷五世其簡可

知也

○九月魏改官制

魏主置六謁官準古六卿臨昭陽殿親加銓擇列爵
四等王封大郡公封小郡侯封大縣伯封小縣其品
第一至第四舊臣有功無爵者追封之宗室疏遠及
異姓襲封者降爵有差又置散官五等其品第五至

第九丈官材能秀異武官堪為將帥者其品亦比第五至第九百官有關則取於其中以補之其官名多倣上古龍官鳥官謂諸曹之使為鳬鴨取其飛之迅疾也謂侯官伺察者為白鷺取其延頸遠望也餘皆

類質實昭陽殿未詳處所

冬十月盧循陷番禺徐道覆陷始興質實

番禺縣名注見漢武帝元

鼎六年始興郡名注見愍帝建興三年

○劉毅等復攻桓振諸城壘皆克

之

劉毅宣在尋陽聚糧繕船未嘗無備故何無忌等雖敗退賴以復振進至夏口桓振遣馮該守東岸孟山圖據魯山城桓偃客守偃月壘衆合萬人水陸集覽相援毅等悉攻拔之生禽山圖偃客該走石城集覽

魯山城今河南府汝州魯山縣是括地志云山在南陽郡魯陽縣北偃月城即濡須塢也在無為州巢縣

東南四十里接巢質實魯山城注見漢獻帝初平元

湖西北至合肥界質實年偃月城注見漢獻帝建安

十七年濡須塢石城注見梁簡文帝大寶元年夏口地名注見漢獻帝建安十三年

十一月魏命宗室州郡各置師

魏主命宗室置宗師八國置大師小師州郡亦質實各置師以辨宗黨舉才行如魏晉中正之職

中正官名注見梁武帝天監十八年

燕王熙與其后苻氏遊白鹿山質實

一統志云白鹿山在太原府孟縣北

三十里嘗有白鹿遊此山因名

后苻謨幼女也是行也士卒為虎狼所害及凍死者五千餘人

書法

凡書遊讖也與其后遊讖之讖也終綱目書遊八而書后妃遊者三是年燕苻氏梁己亥

年魏太后後唐乙酉

年蜀王衍太后太妃

十二月劉毅等進克巴陵

毅號令嚴整所過百姓安悅

乙義熙元年

燕光始五秦弘始七魏天賜二年○南燕主慕容超太上元西涼建初元年

春

正月入江陵桓振亡走謙奔秦考異

月下當補書劉毅等三字

南陽太守魯宗之起兵襲襄陽桓蔚走江陵劉毅等軍至馬頭桓振挾帝出屯江津遣使求割江荆二州

奉送天子毅等不許宗之進屯紀南振留桓謙馮該
守江陵引兵與宗之戰大破之而毅等亦擊破該於
豫章口謙棄城走毅等入江陵執下範之等斬之振
還知城已陷其衆皆潰乃逃於澧川詔大處分悉委
冠軍將軍劉毅大赦改元惟桓氏不原以桓冲盡忠
王室特宥其孫盾徙新安以宗之為雍州刺史毛璩
為征西將軍督梁益等五州弟瑾為梁秦刺史集覽

川

史瑗為寧州刺史桓謙何澹之等皆奔秦
在隨州隨縣案重修廣韻澧音質實紀南城名注見
云澧水在南陽一云在美陽陳後主光天二

年一統志云澧川即澧水在漢陽府漢川縣東北四
十五里自隨州東南流經雲夢縣入本縣界至澧口
與漢水合流晉陶侃為杜會所敗將奔澧中唐人詩
暮雨不知澧口處皆謂此新安郡名注見漢獻帝建

安十三
年新都

燕伐高句麗不克而還

燕王熙伐高句麗攻遼東城且陷熙命將士毋得先登俟剋平其城朕與皇后乘輦而入由是城中得嚴備卒不質實遼東郡名注見克而還秦王政三年

秦以鳩摩羅什為國師

秦王興以鳩摩羅什為國師奉之如神師羣臣及沙門聽講又命羅什翻譯西域經論大營塔寺沙門坐禪者常以千數由是州郡集覽鳩摩羅什鳩摩虜禪化之事佛者十室而九姓羅什名也前秦苻

堅遣呂光伐龜茲而獲之後秦姚興禮為國師使居逍遙園譯出衆經翻譯翻夷語譯為華言也翻與反通韻會切字下注反切一音展轉相呼謂質實西域之反譯譯也如繹絲然細其語而譯之

國名注見漢哀
帝元壽二年

書法

侏離之書於是大布秦為之也故謹志之綱
目書國師一而已莽國師不與焉詳漢帝玄

更始
元年

發明

自王道衰異端熾佛氏流入中國姚興既盛
疆竊據土宇故羅什為所尊禮是以佛書皆

出於其翻譯傳布甚廣夫六經火於嬴秦後世卒
莫得其全佛書譯於姚秦後世終莫得而泯人心
好尚如此世變亦可知矣書以羅什為國師謂之
國師則是舉國師之也吁可勝嘆哉○邱濬曰中
國有梵夾書始盛于此嗚呼書字自蒼頡以來有
所謂籀文篆隸行草其聲音文字三代以來未之
有異也至是始有一種怪體殊音之製以亂我中
國自結繩以來之書嗚呼作俑者漢明帝也然是

時止有四十二章之經藏之宮寺是後雖有胡僧
安靜支懺康會等翻譯未甚傳布民間至是姚興
始大集胡僧以華音譯番語自時厥後偽作日增
無從質証遂至遍滿天下家傳而人誦之而中國
之人虛矯者又剽竊老莊之緒餘以粉飾之遂至
淪人肌膚入人骨髓膠固深密而不可解散其尤
可惡者竊我聖經之名名其邪偽之作雖其以經
為訓異乎經常之義然亦無忌憚矣嗚呼揆之名
教其罪可
勝誅哉

西涼公暉遣使來上表

西涼公暉自稱大將軍領秦涼二州質實建康郡名
牧遣黃始梁興間行奉表詣建康注見漢獻

帝興平
二年

書法

於是僭國無知尊正統者故特書嘉之

二月帝東還

留臺備法駕迎帝於江陵劉毅劉質實江陵縣名注
道規留屯夏口何無忌奉帝東還見漢獻帝建

安十三年夏口地名注同上年

益州叅軍譙縱殺其刺史毛璩自稱成都王

初毛璩聞桓振陷江陵帥衆三萬順流東下將討之
使其弟瑗出外江叅軍譙縱出涪水蜀人不樂遠征
逼縱為主璩聞變奔還成都遣兵討之不克營戶開
城納縱殺璩及瑗滅其家縱自稱成都王於是蜀大
亂漢中空虛氏王楊質實涪水注見漢光武建武十
盛遣其兄子撫據之質實一年成都縣名注見漢帝

玄更始
二年

書法

殺據者營戶也書縱殺何權不足也縱為衆

目蔽罪於縱所以塞姦
雄託不得已者之口也

發明

蜀人逼縱為主營戶殺據而滅其家然綱目
書縱殺其刺史毛據自稱成都王何耶縱為

屬掾坐視主將屠戮自當死於其難而乃委身從
賊此固王法所必誅者前史載縱走投於水及投
地固辭之語分注皆棄而不錄夫既知其不義直
當奮身而死安有為賊所擁尚可自免者哉書法
如此原其實也後世有從賊於亂而
以逼于不得已為解者可以觀矣

三月桓振復襲江陵將軍劉懷肅與戰誅之○帝至建

康除拜琅邪王德文武陵王遵劉裕以下有差

帝至建康百官詣闕待罪詔令復職尚書殷仲文以朝廷音樂未備言於劉裕請治之裕曰今日不暇給且性所不解仲文曰好之自解裕曰正以解則好之故不習耳以琅邪王德文為大司馬武陵王遵為太保劉裕為侍中車騎將軍都督中外諸實實武陵郡軍事加錄尚書事裕皆不受而請歸藩

漢光武建武

二十四年

以劉敬宣為宣城內史

初劉毅嘗為劉敬宣叅軍時人或以雄傑許之敬宣曰非常之才自有調度此君外寬而內忌自伐而尚人若一旦遭遇亦當以陵上取禍耳毅聞而恨之及敬宣為江州毅使人言於裕曰敬宣不預建義授郡

已為過優聞為江州尤用駭惋敬宣集覽自伐老子不自安請解職乃召還為宣城內史曲則全章

不自伐故有功莊子山木篇大成之人曰自伐者無功論語孟之反不伐饒雙峰解云伐如伐木之伐凡

人矜誇其能乃所質實宣城郡名注見漢明帝永平十三年丹陽

夏四月以劉裕都督十六州軍事出鎮京口○以盧循

為廣州刺史

時朝廷新定未暇征討以循為廣州徐道覆為始興相循遣使貢獻因遺劉裕益智粽裕報以續命湯循

之陷番禺也執刺史吳隱之至是裕與循書令遣隱之還循不從長史王誕曰孫伯符豈不欲留華子魚

邪但以一境不容集覽益智粽作弄反風土記吳二君耳循乃遣之楚間以菰葉裹黏米煮而食

之名曰粽一名角黍益智藥名本草益智子味辛溫
主益氣安神盧循以益智為粽遺之蓋言劉裕益智氣
窮也續命湯成藥名治中風不省人事劉裕以此藥
報之蓋言盧循不省事也孫伯符豈不欲留華子魚
伯符三國吳主孫策字子魚華歆先仕漢為豫章太
守孫策畧地江東歆乃幅巾奉迎策待以上賓之禮
策死歆正誤續命湯今按裕以循當誅絕今不質實
仕魏

廣州注見秦始皇三十三年吳隱之濮陽人

南燕主備德封其兄子超為北海王

初南燕主備德仕秦為張掖太守從秦王堅寇淮南
留金刀與其母公孫氏別備德與燕主垂舉兵張掖
收備德兄納及諸子殺之公孫氏以老獲免納妻段
氏方娠未決獄掾呼延平備德之故吏也竊以逃羌

中毆氏生超十歲而公孫氏卒以金刀授超平又以超母子奔涼及呂隆降秦徙長安而平卒毆氏為超娶其女超恐為秦所錄乃陽狂行乞備德遣人往視之超不敢告其母妻潛變姓名逃歸備德聞超至大喜遣騎迎之超以金刀獻備德備德悲慟不質實北自勝封超為北海王備德無子欲以為嗣

郡名注見漢桓帝永康元年青州張掖郡名注見晉安帝隆安元年

五月劉毅何無忌討滅桓玄餘黨荆湘江豫皆平

桓玄餘黨苻宏等擁衆寇郡縣者以十數劉毅等分兵討滅之荆湘江豫皆平詔以毅為都督淮南五郡豫州刺史何無忌都督江東五郡會稽內史

秋七月劉裕遣使求和於秦得南鄉等十二郡

劉裕遣使求和於秦因求南鄉諸郡秦王興許之羣臣以為不可興曰天下之善一也劉王拔起細微能討桓玄復晉室內釐庶政外脩封疆吾何質實南鄉郡名惜數郡不以成其美乎遂以十二郡歸晉

注見穆帝

永和九年

書法

書得郡錄功也其書劉裕使何存中國也然與書齊人來歸鄆謹龜陰之田者霄壤矣故

書求和得之

九月南燕主備德卒太子超立

汝水竭南燕主備德惡之俄而寢疾北海王超請禱之備德曰人命在天非汝水所能制也病篤召羣臣議立超為太子俄而地震君臣震恐是夕卒為十餘棺夜分出四門潛瘞山谷超即位虛葬備德於東陽

陵超引所親公孫五樓為腹心備德故大臣北地王鍾段宏等皆不自安求補外職封孚諫曰臣聞親不

處外羈不處內鍾宏出藩五樓內輔臣竊未安超不從鍾宏相謂曰黃犬之皮恐終補狐裘也五樓聞而

恨之**集覽**公孫五樓公孫複姓也五樓其名黃犬之皮恐終補狐裘史記田敬仲完世家淳于髡曰

狐裘雖敝不可補以黃狗之皮駙忌**正誤**黃犬之皮子曰請謹擇君子毋雜小人是也

裘今按黃犬之皮指公孫五樓言**質實**汝水注見樓乃小人恐終居貴重之職位是也帝奕太和

四年一統志云東陽陵在青州府城北又注見宋營陽王景平元年

西涼徙都酒泉

西涼公嵩與長史張邈謀徙都酒泉以逼沮渠蒙遜嵩手令戒諸子曰從政者當審慎賞罰勿任愛憎近

忠正遠佞諛勿使左右竊弄威福毀譽之來當研覈
真偽聽訟折獄必和顏任理慎勿逆詐億必輕加聲
色務廣咨詢勿自專用吾蒞事五年雖未能息民然
含垢匿瑕朝為寇讐夕委心膂粗無負於新舊事任
公平坦然無類初不容懷有所損益計近則集覽逆
如不足經遠乃為有餘庶亦無愧於前人也
億必逆逆料也詐詐偽也億億度也必必然也人未
必是詐偽我逆料而疑之是逆詐也人未必必然我
億度而防之是億必也無正誤逆詐億必今按此語
類類音盧對反疵也戾也稍晦當云人未必如
此而我億度質實酒泉郡名注見漢
其必是如此武帝元朔三年

丙午二年

燕光始八秦弘始

春正月魏增置刺史守令

魏諸州置三刺史郡置三太守縣置三令
長功臣為州者皆徵還京師以爵歸第

燕王熙襲高句麗不克

燕王熙襲契丹至陁北畏其衆欲還符后不肯遂棄輜重輕兵襲高句麗士馬疲凍死者屬路夕陽公雲

傷於矢且畏熙之集覽契丹東蕃名居於西樓在潢虐遂以疾去官水之南黃龍之北得鮮卑故

地或以為鮮卑遺種至元魏時自號契丹契音喫按契丹志其地有二水一曰北也里沒里源出中京西

馬孟山東北流華言土河是也一曰裊羅箇沒里源出饒州西南平地松林直東流華言潢河是也至木

葉山合流為一相傳初有男子乘白馬浮土河而下

一婦人乘小車浮潢河而下遇於木葉山顧合流之水遂為夫婦此其始祖陁北井陘山之北也漢地志

常山郡石邑縣井陘山在其西穆天子傳云至陁山之隧升於三質實高句麗東夷國名注見新莽始建道之磴即此質實國四年輜重注見周顯王三十六

年一統志云陜北陜山之北在真定府井陘縣東北五十里夕陽疑是縣名未詳沿革姑闕之

夏六月秦姚碩德自上邽還長安

秦隴西公碩德自上邽入朝秦王興為之大赦及歸送至雍興事晉公緒及碩德皆如家人禮車馬服玩先奉二叔而自服其次質實長安縣名注見漢惠帝國家大政皆咨而後行五年隴西郡名注見秦王政三年上邽縣名注見漢光武建武元年天水雍縣名注見周顯王八年

書法朝也書還何成興志也興事碩德如家人禮車馬服玩每先二叔而自服其次國家大政

必咨而後行可謂能尊尊矣不書入朝所以成其不敢臣之之美也

秦以禿髮傉檀為涼州刺史守姑臧

南涼僭檀伐北涼還獻馬三千匹羊三萬口於秦泰
王興以為忠以為涼州刺史鎮姑臧徵王尚還涼州
人遣主簿胡威請留尚弗許威見興流涕言曰臣州
僻遠仗良牧仁政保全至今陛下奈何以臣等買馬
羊乎若軍國須馬直煩尚書一符臣州三千餘戶朝
下而夕可辦也昔漢武帝傾天下資力開拓河西以
斷匈奴右臂今無故棄五郡之地忠良華族以資暴
虜豈惟臣州士民墜於塗炭恐方為聖朝肝食之憂
興悔之使人馳止尚則僭檀已軍五澗逼遣尚行矣
別駕宗敞送尚還長安僭檀謂曰吾得涼州三千餘
家情之所寄惟卿一人而已奈何捨我去乎敞曰今
送舊君所以忠於殿下也僭檀因問新政所宜敞曰
惠撫其民收用賢俊因薦本州名士十餘人僭檀嘉
納之僭檀宴於宣政堂仰視嘆曰古人有言作者不
居居者不作信矣孟禕曰昔張文王始為此堂於今
百年十有二主矣惟履信思順者可以久處僭檀善

之傳檀雖受秦爵命然集覽張文王明帝質實五澗
其車服禮儀皆如王者時涼王張茂質實未詳

所處

魏築澠南宮

魏主規度平城發八部男丁築澠南宮關門高質實
十餘丈穿溝池廣苑圍規立外城方二十里
一統志云澠南宮澠本水名作宮於澠
水之南因名焉又注見愍帝建興元年

秋八月劉裕遣將軍毛脩之討譙縱

裕遣龍驤將軍毛脩之將兵與益州刺史司馬榮期
等共討譙縱榮期為其叅軍楊承祖所殺脩之還白

帝質實

益州注見武帝泰始八年白帝
城名注見漢獻帝建安十七年

南燕段宏奔魏慕容鍾奔秦

南燕主超猜虐日甚政出權倖盤于遊畝封乎韓諱屢諫不聽公孫五樓欲擅朝權譖北地王鍾於超請誅之鍾懼遂與段宏謀反不克乃出奔超超好變更質舊制又欲復肉刑增置烹轆之法衆議不合而止

實

肉刑注見漢文帝十三年

書法

於是鍾等謀反不書書奔君無道也

冬十月論建義功封賞劉裕等有差

劉裕豫章郡公劉毅南平郡公何質實南平郡注見無忌安成郡公自餘封賞有差惠帝光熙元

年

西秦乞伏乾歸如秦

丁未三年

秦弘始九魏天賜四年○燕王高雲正始元年○夏主赫連勃勃龍升元年○是歲燕慕容熙

亡舊大國二南涼北京南燕西考異

分注燕王下漏慕容熙建始元年

春正月秦以乞伏乾歸為主客尚書

秦王興以乾歸寢彊難制留為主客尚書以其世子熾磐行西夷校尉監其部衆

閏二月劉裕殺東陽太守殷仲文及桓冲孫胤夷其族

仲文素有才望自謂宜當朝政出為東陽太守悒悒不樂何無忌素慕其名仲文許便道脩謁無忌喜欽遲之而仲文失志恍惚遂不過府無忌以為薄已大怒會南燕入寇無忌言於劉裕曰桓胤殷仲文乃腹

心之疾北敵不足憂也會裕府將駱球謀作亂質實
伏誅裕因言球與仲文桓胤有謀皆族誅之

東陽郡名注見哀帝興寧三年
殷仲文陳郡長平人顗之弟

書法

書殺多矣未有書某孫者書桓冲孫何重罪
裕也玄之敗也詔以桓冲乃心王室宥其孫

胤今而殺之違義熙之赦絕賢者之世裕罪大矣
然則仲文玄黨也曷為以官書仲文玄黨嘗叛玄
自歸矣綱目貴從義官
仲文所以深惡裕也

發明

義熙之初大赦改元惟桓氏不赦獨宥冲之
孫胤以其忠於帝室所以勸事君者也今又

誣而殺之則非義矣故不直曰桓胤而必書曰桓
冲孫胤以起義也然劉裕自舉事以來去年遣毛
脩之討譙縱今年殺殷仲文及桓胤不論是否綱
目皆自裕書之則裕之專輒自行其無晉之心又

自不言可知矣一賊
仆一賊起可勝嘆哉

夏四月燕后苻氏卒

燕主熙為其后苻氏起承華殿負土北門與穀同價
典軍杜靜載棺詣闕極諫熙斬之苻氏嘗季夏思凍
魚熙下有司切責不得斬之至是苻氏卒熙哭之絕
而復蘇斬衰食粥命百官哭無淚者罪之又以其嫂
張氏質實斬衰注見漢昭帝元平元年殉
為殉注見唐太宗貞觀二十三年

王燕主熙廢其太后段氏○六月赫連勃勃自稱大夏天

勃勃魁岸美風儀性辨慧秦王興見而奇之與論大
事寵遇踰於勲舊興弟邕曰勃勃不可近也興曰勃勃

勃有濟世才吾方與之平天下奈何逆忌之乃以為將軍使助沒奕干鎮高平伺魏間隙邕固爭曰勃勃貪猾不仁輕為去就恐終為邊患興乃止久之竟配以諸蕃二萬餘落使鎮朔方會魏主珪歸所虜秦將於秦興歸賀狄干以報之勃勃怒遂謀叛秦柔然獻馬於秦勃勃掠取之襲殺沒奕干而并其衆自為夏后氏之苗裔稱大夏天王置百官○賀狄干久在長安常幽閉因習讀經史舉止如儒者及還魏珪見其言語衣服皆類秦人以為慕

集覽

魁岸注見漢武帝太始三年苗裔離

騷經帝高陽之苗裔兮晦菴集註苗裔謂遠孫也苗者草之莖葉根所生也裔者衣裾之末衣之餘也故

以為遠末子孫之稱弟

質實

赫連勃勃注見懷帝永嘉四年鐵弗朔方郡名

注見漢武帝元朔元年柔然北方國名注見孝武帝太元十二年沒奕干東方部落之號注見穆帝升平

四年

秋七月朔日食○燕高雲弑其主熙自立為天王

燕主熙葬其后苻氏被髮徒跣步從二十餘里初將軍馮跋得罪於燕亡命山澤因民之怨欲舉大事潛入龍城匿於孫護家及熙出送葬跋等與將軍張興等作亂推熙養子夕陽公雲為主帥衆入宮授甲閉門拒守熙馳還攻北門不克雲遂即天王位大赦改元執熙殺之復姓高氏以跋為都督中外諸軍錄尚書實龍城縣名注見帝

事實

龍城縣名注見帝

南燕遣使稱藩獻太樂伎於秦冬秦遣其母妻還之

南燕主超母妻猶在秦遣封愷使於秦以請之秦王興曰昔苻氏太樂諸伎悉入於燕燕今稱藩送伎或

送吳口千人乃可得也趙與羣臣議之段暉曰陛下嗣守社稷不宜以私親之故遂降尊號且太樂先代遺音不可與也不如掠吳口與之張華曰侵掠鄰國兵連禍結非國家之福也陛下慈親在人掌握豈可靳惜虛名不為之屈乎乃使韓範聘於秦稱藩奉表秦使韋宗報聘張華請北面受詔封逞曰大燕七聖重光奈何一旦為豎子屈節趙曰吾為太后屈願諸君勿復言遂北面受詔使華獻太樂伎一百二十人於秦秦王興乃還趙母質實社稷注見新妻厚其資禮而遣之莽天鳳元年

書法

先書獻樂伎惡秦也若燕主則可與權矣綱目無譏焉

夏王勃勃破薛干等部降之遂進攻秦及南涼大破之

夏王勃勃破鮮卑薛干等三部降其衆以萬數進攻秦三城以北諸戍斬秦將楊丕姚石生等諸將皆曰

陛下欲經營關中宜先固根本使人心有所憑繫高平險固饒沃可以定都勃勃曰吾大業草創姚興亦

一時之雄未可圖也今專固一城彼必并力於我亡可立待不如以驍騎風馳出其不意救前則擊後救

後則擊前使彼疲於奔命我則游食自若不及十年嶺北河東盡為我有待興既死嗣子闇弱徐取長安

在吾計中矣於是侵掠嶺北諸城秦主興乃嘆曰吾不用黃兒之言以至於此勃勃求婚於南涼偃檀不

許勃勃帥騎二萬擊破之名臣勇將死者集覽薛干十六七勃勃積尸而封之號曰髑髏臺別部

之人名侵掠左傳有鐘鼓曰伐無曰侵襄十一年禁侵掠注掠音亮不用黃兒之言男女始生為黃黃兒

猶言小兒也興弟邕嘗正誤黃兒今按黃兒實實閩勸勿用勃勃興不聽乃姚邕小字

注見唐玄宗開元十一年京兆高平縣名注見漢光武建武六年

涼公嵩復遣使來上表考異

提要無此九字

書法

書復何重嘉之也

戊申四年

秦弘始十魏天賜五年○南涼嘉平元年

春正月劉裕自為揚州刺

史錄尚書事

王謚既卒劉毅等不欲劉裕入輔政議以謝混為揚州刺史或欲令裕於丹徒領揚州以內事付孟昶遣皮沈以二議諮裕沈先見劉穆之具道朝議穆之密白裕曰晉命已移公勲高位重豈得遂為守藩之將邪劉孟與公俱起布衣立大義以取富貴一時相推非委體心服宿定臣主之分也力敵勢均終相吞噬揚州根本所繫不可假人前者以授王謚事出權道今若復以他授便應受制於人一失權柄何由可得

今但答以此事既大非可懸論便暫入朝共盡同異
公至京邑彼必不敢越公更授餘人矣裕從之朝廷
乃徵裕為侍中揚州刺史錄尚書事裕解集覽事出
兖州以諸葛長民鎮丹徒劉道憐戍石頭權道
從權之宜也公羊傳桓十一年權質實丹徒縣名注
者何權者反於經然後有善者也見漢景帝三
年劉孟謂
劉毅孟昶

發明

按裕此行特以朝議未定自請入朝而朝廷
因遂召裕授以是任而已今綱目書其自為

揚州刺史錄尚書事殆與操丕昭師無異何歟裕
於是時雖未能專國然其志已有所在故特設詭
謀使晉朝不能捨已而授餘人是名非自為實則
自為也况篡晉之禍實始於此特筆書之深得春
秋誅心
之法矣

南燕祀南郊

南燕主超祀南郊有獸如鼠而赤大如馬來至壇側
須臾大風晝晦羽儀帷幄皆毀裂超懼以問太史令
成公綏對曰陛下信用姦佞誅戮賢良賦斂繁多事
役殷重之所致也超乃黜公孫五樓等俄復用之

夏五月譙縱稱藩於秦

譙縱請桓謙於秦欲與共擊劉裕秦王興以問謙謙
因請行興曰小水不容巨魚若縱才力自足辦事亦
不假君為羽儀矣遂遣之謙至成都虛實實成都郡
名注見
懷引士縱疑之置於龍格使人守之

漢帝立更
始二年

秦遣兵襲南涼討夏皆敗績

秦王興以傳檀內外多難欲因而取之使韋宗往覲之傳檀與宗論當世大畧縱橫無窮宗退嘆曰奇才英器不必華夏明智敏識不必讀書吾今乃知九州之外五經之表復自有人也歸言於興曰涼州雖弊傳檀權譎過人未可圖也興曰劉勃勃以烏合之衆猶能破之況我舉天下之兵以加之乎宗曰不然形移勢變迭覆萬端陵人者易敗戒懼者難攻傳檀之所以敗於勃勃者輕之也今我以大軍臨之彼必懼而求全竊觀羣臣才畧無傳檀比者雖以天威臨之亦未敢保其必勝也興不聽使其子廣平公弼將軍斂成帥步騎三萬襲傳檀僕射齊難帥騎三萬討勃勃弼長驅至姑臧傳檀嬰城固守出奇兵擊破之命郡縣悉散牛羊於野斂成縱兵鈔掠又擊敗之勃勃聞秦兵且至退保河曲齊難遂縱兵野掠勃勃潛師襲破禽之及其將士萬三千人於是嶺北夷夏質實附於勃勃者以萬數勃勃皆置守宰以撫之

夏質實

廣平郡名注見漢武帝元狩四年河
曲縣名注見漢光武建武二十二年

書法

或書討何勃勃故秦臣也一秦兵也或書襲

策加之書討曹操加之則書擊漢獻帝建安元年
秦兵一也加於南涼書襲加於夏則書討是年

發明

秦無故興兵攻得檀故直書曰襲勃勃以敗
亡降虜事秦復叛直書之曰討一字之間固

不苟也
如此夫

遣將軍劉敬宣督毛脩之討譙縱不克引還

毛脩之擊斬楊承祖請討譙縱劉裕表劉敬宣帥衆
五千伐之敬宣入峽轉戰而前軍至黃虎去成都五
百里秦遣兵救之縱亦悉衆拒嶮相持六十餘日軍
中饑疫死者大半乃引軍還敬宣坐免官裕降號中

軍將

質實

峽水名注見漢獻帝建安二十四年黃虎地名未詳處所

書法

自誅桓氏餘黨至是四年綱目凡書晉事無一不書劉裕者譏專也此亦劉裕表遣也其

不書劉裕何咎裕也裕始遣脩之將兵討縱既而承祖作亂脩之退屯於是二年矣乃復遣敬宣督之綱目於遣毛脩之書裕遣於遣劉敬宣督毛脩之則不書裕使若出於朝議者所以見前所遣之卒無功而著遣之者之咎也其旨深矣

冬十一月南京復稱王○南燕汝水竭

南燕汝水竭河凍皆合而澠水不冰南燕主超惡之問於李宣宣對曰澠水無冰良由逼帶京城近日月也超質實汝水注見帝奕太和四年澠水注見漢獻帝建安十年

書法

燕亡之徵也是故江水竭而西漢哀帝元
延元年汝水竭而南燕亡是年綱目皆謹書

之終綱目書水
竭二而已矣

已五年

秦弘始十一魏太宗拓跋嗣永興元年○燕王
馮跋太平元年○西秦更始元年○舊大國二

南涼北涼南燕西涼燕夏小
國六新小國一凡九僭國

春正月秦封譙縱為蜀王

○二月南燕寇掠宿豫

南燕主超正旦朝會羣臣嘆太樂不備議掠晉人以
補伎韓諱曰先帝以舊京傾覆戢翼三齊陛下不養
士息民伺釁恢復而更侵掠南隣以廣讐敵可乎超
曰我計已定不與卿言遂遣公孫五樓兄歸將兵寇
宿豫拔之大掠而去簡男女二千五百付太樂教之
時五樓專總朝政宗親並居顯要內外無不憚之尚

書都令史王儼諂事五樓比歲屢遷官至左丞國人
為之語曰欲得侯事五樓超又遣歸等冠淮南俘男
女千餘人而去詔劉質實宿豫縣名注見唐昭宗景
道憐鎮淮陰以備之質實福二年泗州淮南國名注
見漢武帝元朔五年淮陰縣
名注見漢獻帝建安元年

乞伏乾歸自秦逃歸

乞伏熾磐入見秦太原公懿於上邽彭奚念乘虛伐
之熾磐聞之怒不告而歸擊奚念破之遂克枹罕乾
歸逃還苑川留熾磐鎮質實太原郡名注見齊明帝
枹罕收其衆得二萬人質實建武三年并州上邽縣
名注見漢光武建元元年天水枹罕縣名注見漢
靈帝中平元年苑川地名注見孝武帝太元十年

三月恒山崩質實

恒山恒與常通注
見周安王十六年

書法

恒山何北嶽也崩至四嶽非小變矣故書華山崩而漢亡獻帝初平四年書恒山崩而晉

亡是年皆帝業所基也終綱目四嶽書崩二而已矣

○夏四月雷震魏天安殿

雷震魏天安殿東序魏主惡之命以衝車攻東西序皆毀之初魏主服寒食散藥發躁怒無常至是寢劇又災異數見占者言有急變生肘腋魏主憂懣廢寢食追計平生成敗得失獨語不止每百官奏事至前記其舊惡輒殺之其餘或顏色變動或鼻息不調或步趨失節或言辭差謬皆以為懷惡在心發形於外往往手擊殺之死者皆陳天安殿前羣臣多不敢求親近唯著作郎崔浩恭勤不懈其父吏部尚書宏未嘗諂諛亦不忤旨集覽衝車詩皇矣篇與爾臨衝注故父子獨不被譴

輓說文陷
陣車也
質實
崔浩東
武城人

書法

綱目書冬雷七記異也此四月爾何以書震
天安殿則為魏之不祥也大矣故大風毀莽

王路堂雷震魏天安殿皆大異也綱目每謹書之
終綱目書雷十詳漢惠帝五年而四月雷二漢成

帝元延元年以無雲故書是年以
震天安殿故書舍是無書雷者矣

發明

災異証應之說若出於附會然其應亦未嘗
爽也前書南燕汝水竭未幾而燕滅亡此書

魏雷震天安殿未幾而魏主不得其終綱
目據事書之不言其應而應固在其中矣

劉裕伐南燕六月及燕師戰於臨朐大破之遂圍廣固

劉裕抗表伐南燕朝議皆以為不可惟孟昶謝裕臧
熹勸行裕以昶監南府事初苻氏之敗王猛孫鎮惡

來奔騎射不能及人而有謀畧善果斷喜論軍國大事至是或薦於裕與語悅之因留宿明旦謂叅佐曰吾聞將門有將信然即以為中軍叅軍四月裕帥舟師自淮入泗五月至下邳留輜重步進至琅邪所過皆築城留兵守之或謂裕曰燕人若塞大峴之險或堅壁清野大軍深入不唯無功將不能自歸奈何裕曰吾慮之熟矣鮮卑貪婪不知遠計進利虜獲退惜禾苗謂我孤軍遠入不能持久不過進據臨朐退守廣固必不能守險清野敢為諸君保之南燕主超召羣臣會議公孫五樓曰吳兵輕果利在速戰宜據大峴使不得入曠日延時沮其銳氣然後徐簡輕騎循海而南絕其糧道勅段暉帥兗州之衆緣山東下腹背擊之此上策也各命守宰依險自固拔其資儲餘悉焚芟使敵無所得旬月之間可以坐制此中策也縱賊入峴出城逆戰此下策也超曰今歲星居齊以天道推之不戰自克客主勢殊以人事言之彼遠來

疲弊勢不能久奈何笑苗徒民先自蹙弱乎不如縱使入峴以精騎蹂之何憂不克桂林王鎮曰陛下必以騎兵利平地者宜出峴逆戰戰而不勝猶可退守不宜縱敵入峴自棄險固也超不從鎮出嘆曰既不克逆戰又不肯清野延敵入腹坐待攻圍酷似劉璋矣超聞之怒收鎮下獄裕過大峴燕兵不出裕舉手指天喜形於色左右曰公未見敵而先喜何也裕曰兵已過險士有必死之志餘糧棲畝人無匱乏之憂敵已入吾掌中矣六月裕至東莞超先遣五樓及段暉等將步騎五萬屯臨朐聞晉兵入峴自將步騎四萬往就之裕以車四千乘為左右翼方軌徐進與燕兵戰於臨朐南向是勝負未決參軍胡藩言於裕曰燕悉兵出戰臨朐城中留守必寡願以奇兵從間道取其城此韓信所以破趙也裕遣藩等潛師出燕兵後攻臨朐聲言輕兵自海道至遂克之超大驚單騎就暉於城南裕因縱兵奮擊大敗之斬暉等大將

十餘人乘勝逐北至廣固克其大城超入保小城裕
築長圍守之撫納降附采拔賢俊因齊地糧儲停江
淮漕運超遣張綱乞師於秦赦桂林王鎮以為都督
且問計焉鎮曰百姓之心繫於一人今陛下親董六
師奔敗而還士民喪氣聞秦自有內患恐不暇救人
今散卒尚有數萬宜悉出金帛以餌之更決一戰若
天命助我必能破敵如其不然死亦為美樂浪王惠
曰晉軍氣勢百倍我以敗卒當之不亦難乎秦與我
如唇齒也安得不來相救超從惠計復遣韓範如秦
裕圍城益急超請割地稱藩不許秦王興遣使謂裕
曰今遣鐵騎十萬屯洛陽晉軍不還當長驅而進矣
裕謂其使者曰語汝姚興我克燕之後息兵三年當
取關洛今能自送便可速來劉穆之聞裕言尤之曰
此語不足威敵適足以怒之若廣固未拔羌寇奄至
不審何以待之裕笑曰比正是兵機非卿所解夫兵
貴神速彼若審能赴救必畏我知寧容先遣信命逆

設此言是自張大之辭耳晉師不出為日久矣集覽

琅邪注見周赧王三十一年大岷山名其地險固在琅邪郡陽都縣岷胡典反臨朐東莞郡邑屬青州今

益都府臨朐縣朐音劬廣固注見穆帝永和七年吳兵輕果左傳楚兵輕寃注輕去聲言不能持重也果

敢也今歲星居齊謂歲星今在齊之分野注見帝奕太和五年越得歲酷似劉璋酷極甚也漢獻帝時劉

璋為益州牧劉備兵向雒城從事鄭度謂璋曰劉備懸軍襲我莫若驅巴西梓潼民內涪水以西其倉廩

野穀一皆燒除請戰勿許不過百日必成禽矣璋曰吾聞拒敵以安民未聞動民以避敵也雒城潰進圍

成都璋遂降東莞郡名本漢琅邪國邑後改為沂水縣屬沂水即今莒州沂水也莞音管左右翼旁引其

車若鳥翼之為也太公六韜曰翼其兩旁疾擊其後方軌注見陳宣帝太建七年奇兵注見周赧王五十

五年遂北注見周赧王三十一年樂浪注見漢武帝元封三年長驅而進猶言直進謂無禦之者張大張

去聲自質實

謝裕陽夏人朗弟允之子晦之從父淮水名注見漢後主延興二年泗水名注

見秦始皇二十八年一統志云大岷山名在青州府臨朐縣東南一百五里上有穆陵關在焉貪婪注見

漢章帝章和二年臨朐縣名注見宋營陽王景平元年桂林郡名注見秦始皇三十三年東莞古地名周

為鄆邑漢為東莞縣隋初改曰東安縣後於古置東莞郡後魏改為新泰縣

東安縣而此縣改名沂水唐宋屬沂州金元屬莒州本朝因之改屬青州府韓信所以破趙事在漢王

年邦三

書法

南燕往年書寇宜伐也裕既表請矣書劉裕不書帥師何桓溫再伐皆書帥師裕違衆議

而專行謀也故稱將不稱師
止書劉裕蓋將壹以功歸之

發明

晉氏無政藩鎮往往專征前固已論之矣今
劉裕平定南燕誠為雋功然抗表即行與桓

溫伐蜀無異故溫之不臣不待廢立而後見而裕
之代晉亦不待篡弑而後知語曰天下有道則禮
樂征伐自天子出天下無道則禮樂征伐自諸
侯出觀之綱目所書劉裕伐南燕之事而益信

秋七月西秦復稱王九月秦王興伐夏夏王勃勃襲而

敗之

秦王興自將擊夏至貳城遣將軍姚詳等分督祖運
夏王勃勃乘虛奄至秦兵大敗初興遣將軍姚強帥
步騎隨韓範往救南燕至是追強兵還範嘆曰天滅
燕矣遂降於裕張綱亦為晉軍所獲裕將範循城升

網樓車使周城呼曰秦為劉勃勃所敗無兵相救城中莫不失色網復為裕造攻具盡諸奇巧南燕主超怒懸其母於質實劉勃勃載記云赫連勃勃乃劉淵之族子故曰劉勃勃

冬十月西秦以焦遺為太子太師

西秦王乾歸以焦遺為太子太師與叅軍國大謀謂熾磐曰焦生非特名儒乃王佐才也汝事之當如事吾熾磐拜遺於牀下遺子華至孝乾歸欲以女妻之辭曰娶妻者欲與之共事二親也今以王姬下嫁蓬茅之士臣懼其闕於中饋也乾歸曰卿之所行古人之事孤女不足以強卿乃以為尚書郎

集覽

王姬猶言公主也左傳晉平公以同姓四人備嬪御鄭子產聘晉言於叔向曰今君內實有四姬焉蓋指其不別同姓之醜非目賤妾為姬也後世乃以目賤人戰國策曰幸姬如姬漢史曰諸姬薄姬愛姬釋者

皆不辨其為同姓如淳曰姬音怡臣瓚曰漢內官也秩比二千石位健仔下惟顏師古謂漢內官無姬職姬者周姓貴於衆國之女故婦人美號皆稱姬宋徽宗大觀間公主易號曰帝姬貴之也世例以目妾豈反賤乎懼其闕於中饋謂恐不居中主饋闕事親之禮也易家人六二無攸遂在中饋貞吉伊川傳曰人之處家在骨肉父子之間大率以情勝理以恩奪義唯剛立之人則能不以私愛失正理況柔弱之人其能勝妻子之情乎如二之才若為婦人之道則其正也以柔順處中正婦人之道也故在中饋則得其正而吉也婦人居中而主饋者也故云中饋

燕弒其君雲馮跋自立為天王

北燕王雲自以無功德而居位內懷危懼常畜養壯士以為腹心爪牙寵臣離班桃仁專典禁衛賞賜巨

萬衣食起居皆與之同而班仁志願無厭猶有怨憾至是殺雲馮跋升門觀變帳下共斬班仁跋遂即天王位以其弟范陽公素弗錄尚書事素弗少任俠放蕩嘗請婚於尚書左丞韓業業拒之及為宰輔待業尤厚好申拔舊門謙恭儉約以身率質實范陽郡名注見漢帝下百僚憚之論者美其有宰相之度

玄更始二年

涿郡

書法

試君者離班桃仁也不書主名何君無道也故馮跋討斬之不書

魏清河王紹弑其君珪齊王嗣討紹殺之而自立考異

殺當考證

謹按拓跋紹以其母氏一言遽行弑逆齊王聞變救之不及討得罪人而誅之今觀諸本

誤書曰殺如燕慕容會秦姚弼姚惜作亂既皆曰伏誅况道武身死於其臣子之手乎考之凡例參以列國故

曰殺當
作誅

魏主珪將立齊王嗣為太子魏故事凡立嗣子輒先
殺其母乃賜嗣母劉貴人死召嗣諭之嗣性孝哀泣
不自勝珪怒嗣還舍日夜號泣珪復召之左右曰上
怒甚入將不測不如且避之嗣乃逃匿於外帷帳下
車路頭王洛免隨之初珪見賀太后之妹美請納之
太后曰不可是過美必有不善且已有夫不可奪也
珪密令人殺其夫而納之生清河王紹紹兇狠無賴
好輕遊里巷劫剥行人以為樂珪嘗倒懸井中垂死
乃出之至是譴責賀夫人將殺之未決夫人密使告
紹曰何以救我紹年十六夜與宦者宮人通謀踰垣
入宮弑珪大出布帛賜王公已下崔宏獨不受嗣聞
變遣洛免夜入平城告將軍安同等衆翕然響應爭
出奉迎衛士執紹送嗣嗣并賀氏及為內應者皆轡
食之乃即位諡珪曰宣武廟號烈祖公卿先罷歸第

者悉名用之詔長孫嵩與安同奚斤崔宏等八人坐
止車門右共聽時政時人謂之八公又以尚書燕鳳
逮事什翼犍使與都坐大官封懿等入侍講論出議
政事以洛苑路頭為散騎常侍常問舊臣為先帝所
親信者為誰洛苑言李先因名問先卿以何才何功
為先帝所知對曰臣不才無功但以忠直為先帝所
知耳乃令常宿**集覽**車門右公車府門之右也正誤
於內以備顧問**集覽**注見漢文帝三年公車令
坐止車門右今按止車門三字門名言坐於
止車門之右也集覽以為公車府門非也**質實**清
郡名注見義熙十三年平
城縣名注見漢高帝七年

書法

有魏道武自遷平城首書遣使循行郡國可謂
有卹民之心既稱皇帝即書置五經博士可

謂知經國之本又書制冠服定官品亦庶乎日不
暇給規模宏遠者矣光啓後人廟號太祖宜哉而

惑於方士以誤其身則不知學之過也○凡書自立纂辭也齊王嗣宜立者也則其書自立何惟嫡故無嫌也是故齊王嗣嫡子也書討書自立義熙七年唯無嫌西秦熾磐世子也書討書自立義熙七年唯無嫌故也非嫡也則嫌不書自立矣故武陵王駿書討劾矣必書宋人立駿文帝元嘉三十年均王友貞書討賊矣止書友貞立於大梁五代癸酉年梁此而書自則疑於纂矣友貞有兄友文

發明

嗚呼有父之親有君之尊而乃敢於弑逆此天理之大變人情所深駭者也拓跋之於此

若頭曼冒頓然而致此之由則固珪自致之昔先儒於春秋商臣之事謂考於傳之所載可以見其所由致之漸蓋以傳為案經為斷爾今綱目之比春秋則猶經也而分注則猶傳也考之分注珪始因賀氏之美殺其夫而納之既而生紹則大本已不正矣紹之肆逆得非餘惡之所鍾乎夫殺人而

納其妻為之妻者苟有人心馬宜於此馬變矣况又以其子之故將欲殺之則是速之使亂也故夫以天道言則善惡之報捷如影響不可誣也以人事言則處置之謬禍變之來不可忽也綱目書此其亦使後人推考而謹於善惡之積也夫其亦使後人警戒而審於處置之際也夫吁

十二月太白犯虛危

南燕靈臺令張光勸南質實靈臺令事物紀原云唐燕王出降超手殺之質實乾元初改太史為司天

監掌天文歷數風雲氣色其小史有靈臺令又注見齊武帝永明十年

庚戌六年

泰弘始十二魏永興二年○是春正月魏伐柔

然質實

柔然北狄國名注見孝武帝太元十二年

書法

魏始加柔然書擊詳孝武帝太元十六年此書伐何始進魏也於是魏既再世漸變其風

故進之也

○二月魏寇盜羣起魏主嗣赦其罪遣兵討餘寇平之

魏主嗣以郡縣豪右多為民患優詔徵之民戀土不樂內徙長吏逼遣之於是寇盜羣起嗣引八公議之曰朕欲為民除蠹而守宰不能撫綏使之紛亂今犯者既衆不可盡誅吾欲大赦以安之何如元城侯屈曰民逃亡為盜不罪而赦之是為上者反求於下也不如誅其首惡赦其餘黨崔宏曰聖王御民務在安之而已不與較勝負也夫赦雖非正可以行權屈欲先誅後赦要為兩不能去曷若一赦而遂定乎赦而不從誅未晚也嗣從之既而遣實實元城縣名注見于粟碑討不從命者所向皆平新莽始建國四

年

書法

書赦其罪何善之也建武之篇書詔許相
斬除罪於是書赦其罪皆處盜之良法也

劉裕拔廣固執南燕主超送建康斬之

南燕城久閉男女病脚弱者大半出降者相繼尚書
悅壽曰今戰士彫瘁絕望外援豈可不思變通之計
超嘆曰廢興命也吾寧奮劍而死不能銜壁而生劉
裕悉衆攻城或曰今日往亡不利行師裕曰我往彼
亡何為不利四面急攻之壽開門納晉師超突圍出
走追獲之裕數以不降之罪超神色自若一無所言
惟以母託劉敬宣而已裕忿廣固久不下欲盡阮之
以妻女賞將士韓範諫曰晉室南遷中原鼎沸士民
無援強則附之既為君臣必須為之盡力彼皆衣冠
舊族先帝遺民今王師弔伐而盡阮之竊恐西北之

人無復來蘇之望矣裕改容謝之然猶斬王公以下
三千人沒入家口萬餘夷其城隍送超詣建康斬之
司馬公曰晉自濟江以來威靈不競諸蕃擾亂不可
復止劉裕始以王師剪平東夏不於此際旌禮賢俊
慰撫疲民使羣士嚮風遺黎企踵而更恣行屠戮以
快忿心迹其施設曾苻姚之不如宜其不能蕩壹四
海成美大之業也豈非有**集覽**往亡立春後七日驚
智勇而無仁義使之然哉**集覽**往亡立春後七日驚
二十一日立夏後八日芒種後十六日小暑後二十
四日立秋後九日白露後十八日寒露後二十七日
立冬後十日大雪後二十日小寒後三十日其日是
謂往亡日來蘇之望商書仲虺之誥傒予后后來其
蘇蔡氏傳曰蘇復生也謂后来我其復生乎夷其
城隍夷平之也隍城外塹也有水曰池無水曰隍**實**

實 銜壁注見武帝咸寧二
年苻姚謂苻堅姚萇也

發明

論者莫大於滅人之國然而亦有不可以一概

之曹或勤勞功德之臣其後子孫世守其國乃從而滅之誠可謂不仁之甚者至於劉淵創亂盜竊土宇有能規恢掃除又豈可例以滅國待之哉自金行失馭寓縣分裂劉石苻姚皆因時起事相為雄長遂使忠臣義士北望慨想徒嘆神州之陸沉諸陵之覆沒未有能蕩平河洛克復舊物者劉裕起自單微興復晉室今馬出師北伐一舉而平南燕亦可少伸志士憤鬱之氣彼慕容超者雖凶暴不若劉石然亦鮮卑之餘耳取而戮之良不為過然猶恨劉裕未能廣弔伐之意使義聲昭布於天下舉四海而平壹之尚可以滅國之事責之哉此綱目於南燕之克書之初無貶詞也況超既不降則斬之建康宜矣若夫他日姚泓既受其降而又戮之此則裕之過與

盧循寇長沙南康廬陵豫章陷之劉裕引軍還

初徐道覆聞劉裕北伐勸盧循襲建康不從自至番禺說之曰本住嶺外豈將以此傳之子孫邪正以劉裕難與為敵也今裕頓兵堅城之下未有還期我以此思歸死士掩擊何劉之徒如反掌耳不乘此機而苟求一日之安裕平齊後以璽書徵君自將屯豫章遣諸將帥銳師過嶺恐將軍不能當也若先克建康傾其根蒂裕雖南還無能為矣循乃從之初道覆使人伐船材於南康山至始興賤賣之居人爭市之至是悉取以裝艦旬日而辦循自始興寇長沙道覆寇南康廬陵豫章皆陷之道覆順流而下舟楫甚盛朝廷急徵裕裕方議留鎮下邳經營司雍會得詔乃以韓範為都督八郡軍事封融為渤海太守引兵還久之劉穆之稱範**集覽**南康非謂江東道南康軍此南融謀反皆殺之**集覽**南康本漢之贛縣晉立南康郡東

晉置郡城於章貢二水之間今城是也隋為虔州以虔化水為名宋改贛州始興注見愍帝建興三年

質實

南康郡名注見梁簡文帝大寶元年長沙郡名注見漢獻帝興平元年廬陵郡名注見元帝元

興元年安成豫章郡名注見漢武帝元鼎五年司雍二州名司注見秦莊襄王元年三川雍注見唐玄宗開元十一年京北渤海郡名注見漢獻帝建安八年南皮

三月江荆都督何無忌討徐道覆戰敗死之考異

提要戰下

作於豫章敗績死之

無忌自尋陽引兵拒盧循長史鄧潛之諫曰循兵檻盛勢居上流宜決南塘守二城以待之彼必不敢捨我遠下蓄力養銳俟其疲老然後擊之此萬全之策也今決成敗於一戰萬一失利悔將無及叅軍殷闡

曰循所將皆三吳舊賊百戰餘勇始興溪子拳捷善
鬪宜留屯豫章徵兵屬城兵至合戰未為晚也無忌
不聽與徐道覆遇於豫章賊令強弩數百登山邀射
乘風暴急以大艦逼之衆遂奔潰無忌厲聲曰取我
蘇武節來節至執以督戰賊衆雲集實實南塘莫詳
遂握節而死中外震駭謚曰忠肅處所尋陽
郡名注見明帝太寧二年三吳注見安帝元興元年
蘇武節漢蘇武在匈奴不屈起卧皆仗節故後人義
之因名焉節注見
唐德宗興元元年

發明起義諸人往往見戕於劉裕之手無忌雖敗
於道覆然能握節而死不失為忠義之士書
之於冊猶
為榮也

南涼擊北涼敗績遂遷於樂都

傳檀自將五萬騎伐蒙遜戰於窮泉傳檀大敗蒙遜
乘勝進圍姑臧夷夏萬餘戶降於蒙遜檀懼納質
請和蒙遜徙其衆八千餘戶而去傳檀畏逼質實樂
遷於樂都姑臧人推焦朗為主降於蒙遜
郡名注見漢宣帝元康四年湟中窮泉地名
未詳處所姑臧縣名注見元帝建武元年

夏四月劉裕至建康

劉裕至下邳以船載輜重自帥精銳步歸聞何無忌
敗死卷甲兼行將濟江風急衆咸難之裕曰若天命
助國風自當息不然覆溺何害即命登舟舟移而風
止四月至建康青州刺史諸葛長民兗州刺史劉藩
并州刺史劉道憐各將質實建康郡名注見漢獻帝
兵入衛藩毅之從弟也質實興平二年輜重注見周
顯王三十六年青州注見漢桓帝永康元年下邳縣
名注見漢高帝六年劉藩掖人兗州注見周安王五

年濮陽并州注見
齊明帝建武三年

五月豫州都督劉毅及盧循戰於桑落洲敗績循進逼

建康

毅將自拒盧循裕與書曰賊新獲利其鋒不可輕今
脩船垂畢當與弟同舉又遣劉藩諭止之毅怒謂藩
曰往以一時之功相推耳汝謂我真不及劉裕邪投
書於地帥舟師二萬發姑孰五月與循戰於桑落洲
毅兵大敗棄船步走其衆皆為循所虜循聞裕已還
與其黨相視失色欲退還尋陽取江陵據二州以抗
朝廷徐道覆謂宜乘勝徑進固爭累日循乃從之裕
募人為兵賞之同京口赴義之科發民治石頭城議
者謂宜分兵守津要裕曰賊衆我寡若分兵屯守則
測人虛實且一處失利則沮三軍之心今聚衆石頭

隨宜應赴既令彼無以測又於衆力不分若徒旅轉
集徐更論耳朝廷聞劉毅敗人情恟懼時北師始還
將士多創病建康戰士不盈數千循既克二鎮戰士
十餘萬舟車百里樓船高十二丈孟昶諸葛長民欲
奉乘輿過江裕不聽叅軍王仲德言於裕曰明公新
建大功威鎮六合妖賊既聞凱還自當奔潰若先自
遁逃則勢同匹夫匹夫號令何以威物裕甚悅昶固
請不已裕曰今重鎮外傾強寇內逼人情危駭莫有
固志若一旦遷動便自土崩瓦解江北亦豈可得至
設令得至不過延日月耳今兵士雖少自足一戰若
其克濟則臣主同休苟厄運必至我當橫尸廟門遂
其由來以身許國之志不能草間求活也昶恚甚請
死裕怒曰卿且一戰死復何晚昶乃抗表曰臣贊北
伐之計使狂賊乘間至此謹引咎以謝天下乃仰藥
而死循至淮口中外戒嚴琅邪王德文都督宮城裕
叱石頭謂將佐曰賊於新亭直進其鋒不可當宜且

避之若迴泊西岸此成禽耳道覆請於新亭至白石
焚舟而上數道進攻循曰大軍未至孟昶望風而裁
以大勢言之當計日潰亂今決勝負於一朝既非必
克之道且多殺傷士卒不如按兵待之道覆嘆曰我
終為盧公所誤事必無成使我得為英雄驅馳天下
不足定也裕登城見循軍引向新亭顧左右失色既
而迴泊蔡洲乃悅遂柵石頭淮口脩治越城築查浦
藥園廷尉三壘皆以兵守之明日循伏兵南岸使老
弱乘舟向白石聲言悉衆自白石步上裕留沈林子
徐赤特戍南岸斷查浦戒令堅守勿動裕北出拒之
林子曰妖賊此言未必有實宜深為之防裕曰石頭
城險淮柵甚固留卿在後足以守之矣又明日循焚
查浦赤特將擊之林子曰衆寡不敵不如守險以待
大軍赤特不從出戰大敗林子據柵力戰賊乃退復
引兵大上至丹陽郡裕帥諸軍**集覽**創病創初莊反
馳還石頭斬赤特出陳於南塘

藥漢書注顏師古曰仰首而飲藥也按司馬君實明
妃曲白頭蕭太傅被讒仰藥更無疑注仰去聲仰藥

也自殺質實姑孰縣名注見明帝太寧元年桑落洲注
見元興三年江陵縣名注見漢獻帝建安

十三年石頭城名注見漢獻帝建安十七年京口郡
名注見成帝咸和二年六合注見唐僖宗廣明元年

琅邪郡名注見漢光武建武九年淮口淮水之口注
見漢後主延興二年新亭注見元興元年白石即白

下壘名注見宋明帝泰始元年蔡洲注見梁武帝太
清二年越城注見明帝太寧二年查浦壘名未詳處

所藥園壘名未詳處所
廷尉壘名未詳處所

柔然圍魏師於牛川魏主嗣救之可汗社崙走死弟斛

律立質實

柔然北方國名注見孝武帝太元
十二年牛川疑是地名未詳處所

○六月劉

裕自為太尉中書監加黃鉞復辭官而受黃鉞質實

黃鉞

注見漢後主
建興六年

書法

上書自為下書復辭後書始受辭繁不殺裕之譎見矣

發明

嗚呼乘時而邀利者市井小人之志也是時寇賊滔天國祚危若綴旒裕亦何忍自進其

爵位而又作偽以辭之哉況左使黃鉞乃武王伐紂之事自司馬昭謀篡魏始假此為威制中外之具裕又率而行之如出一轍然前史書此則若出於朝廷之命者豈知黃鉞之加非盛時令典裕苟無風旨晉朝詎敢行此綱目書之如見其肺肝然天下果可以文欺也哉

○宗室司馬國璠自弋陽奔秦

桓玄之亂河間王曇之子國璠叔璠奔南燕還寇陷弋陽至是奔秦秦王興曰劉裕方誅桓玄輔晉室卿何為來對曰裕削弱王室臣宗族有自脩質實河間立者裕輒除之方為國患甚於桓玄耳

質實

河間郡名

注見漢帝玄更始二年弋陽郡名注見武帝奉始二年

書法

宗室自劉縯外未有書者此其書宗室何惡裕也裕志移晉鼎先除枝葉於是國璠遠禍

出奔綱目書曰宗室司馬國璠奔秦又書曰宗室司馬楚之據長社皆罪裕之辭也國璠書自弋陽

奔秦言遠避也

秋七月盧循退還尋陽劉裕遣兵追之

盧循寇掠諸縣無所得謂徐道覆曰師老矣不如還尋陽并力取荊州據天下三分之二徐更與建康爭

衡耳遂還裕使將軍質實

尋陽縣名注見漢獻帝建安十五年荊州注見漢獻

帝建安十二年建康郡名注見漢獻帝興平二年

劉裕遣將軍孫處等率兵襲番禺

劉裕還東府大治水軍遣將軍孫處沈田子自海道襲番禺衆以為海道艱遠必至為難且分撤見力非目前之急裕不從敕處曰大軍十二月之交必破妖虜卿至時先傾其巢窟使彼走無所歸也質實

東府城名注見元興元年番禺縣名注見漢武帝元鼎六年

譙縱使桓謙會秦將苟林入寇荊州刺史劉道規大破

斬之考異

斬當作誅

譙縱遣使請兵於秦以諫為荊州刺史使帥衆二萬
寇荊州秦王興遣將軍荀林帥騎兵會之諫於道召
募義舊民投之者二萬人諫屯枝江林屯江津江陵
士民多懷貳心道規乃會將士告之曰聞諸長者頗
有去就之計吾東來文武足以濟事若欲去者不相
禁也因夜開城門達曉不閉衆咸憚服莫有去者魯
宗之帥衆數千自襄陽赴救或謂宗之情未可測道
規單馬迎之宗之感悅道規使之居守委以腹心自
帥諸軍攻謙水陸齊進戰於枝江天門太守檀道濟
先進陷陳大破之謙林皆走並追斬之初謙至枝江
江陵士民皆與書言城中虛實許為內應至是檢得
之道規悉焚不視衆乃大安桓石綏亦起兵於洛口
梁州刺史何韶計**質實**一統志云枝江古羅國地名
斬之桓氏遂滅

漢始置枝江縣屬南郡以蜀

江至此分為諸洲故名唐析置長寧縣以枝江省入
大厯中復置枝江省長寧宋省入松滋後復置徙治

漸洋州又還治下沱市元仍其舊本朝因之改屬荊州府天門郡名本漢武陵郡零陽縣地孫吳以武陵分置天門郡治零陽晉因之陳為石門郡隋罷郡為石門縣屬澧州唐宋元皆仍其舊本朝因之改屬岳州府襄陽郡名注見漢獻帝建安十二年洛口洛水之口注見漢光武建武三年

西秦攻秦略陽隴西諸郡克之質實

略陽郡名注見懷帝永嘉四年隴西

郡名注見秦王政三年 ○冬十月劉裕南擊盧循

劉毅還至建康降為後將軍固求追討盧循長史王誕密言於劉裕曰毅既喪敗不宜復使立功裕乃帥劉藩檀韶等南擊循以毅監留府

徐道覆寇江陵劉道規大破之

徐道覆帥衆三萬趣江陵奄至破冢江漢士民感劉道規焚書之恩無復貳志道規使劉遵別為遊軍自拒道覆於豫章口前驅失利遵自外橫擊大破之斬首萬餘級餘悉赴水死道覆單騎走還湓口初道規使遵為游軍衆咸以為強敵在前唯患衆質實豫章少不應分割見力置無用之地至是乃服郡名注見漢武帝元鼎五年湓口浦口注見元興三年

十一月孫處攻番禺拔之

盧循兵守廣州者不以海道為虞孫處垂海奄至會大霧四面攻之即日拔其城處撫其舊民戮循親黨勒兵謹守分遣沈田子等擊嶺表諸郡

十二月劉裕及盧循戰於大雷又戰於左里大破之循

及道覆南走裕遣將軍劉藩等追之

劉裕軍雷池盧循揚聲不攻雷池當乘流徑下裕知其欲戰進軍大雷循及徐道覆帥衆數萬塞江而下裕悉出輕騎及水軍擊之又分步騎屯於西岸先備火具裕以勁弩射循軍因風水之勢以感之循艦悉泊西岸岸上軍投火循道覆兵大敗將趣豫章乃悉力柵斷左里裕至攻之麾兵將進麾折幡沈衆皆懼裕笑曰往年覆舟之戰如是今乃復見必破賊矣即破柵而進殺溺死者萬餘人循收散卒徑還番禺道覆走保始興裕遣劉藩孟懷王等追之遂還建集覽康劉毅惡劉穆之每言其權太重裕益親任之

雷池同安志曰雷池源自宿松縣界東流二百餘里經望江縣南五里龍潭河合流三十里出大江此即大雷池也按宋書郡國志西岸有雷江即此大雷本漢之皖縣地晉安帝置大雷戍後置新冶縣陳置大

雷郡隋廢為義鄉縣後改望江縣唐置高州後復為縣屬舒州今安慶府望江縣是地稱三孝有王祥卧冰池孟宗泣竹臺徐仲源孝感山舊跡存焉左里文選歐陽修廬山高是為揚澗左里今注云揚澗左里二灘名也里本作蠡南康志云左蠡湖一名宮亭湖即禹貢彭蠡湖也在城東南五里與揚澗相對按禹貢彭蠡既潏蔡氏傳曰地志彭蠡湖在豫章郡彭澤縣東合江西江東諸水跨豫章郡饒州南康軍三州之地今所謂鄱陽湖者是麾折幡沈大將之旗曰麾所以指撝也幡亦旗屬謂麾竿折斷而幡沈溺於水中往年覆舟之戰如是元興三年與桓玄戰實實一於覆舟山時其幡竿亦嘗折斷後大破玄軍實實一志云雷池在安慶府望江縣其源西自宿松縣界流經縣東南積而為池又十五里入大江名雷港大雷晉之戍名即漢之皖縣地東晉置新冶縣於此屬晉熙郡陳於此置大雷郡隋改為義鄉縣又改望江縣

屬興州唐初於縣置高州尋改智州未幾州廢以縣屬舒州宋元俱仍舊本朝因之改屬安慶府左里城名在南康府都昌縣西九十五里晉盧循為劉裕所敗自蔡洲南走乃悉力柵斷左里即此

御批資治通鑑綱目卷二十三

謹案第一頁後二行隴右即隴西郡又河西郡名
按隴右河西俱統名此誤

第十三頁前四行使將軍慕元等屯守按乞伏載
紀慕元作慕容允

第十三頁前八行南羌梁戈等按乞伏載紀戈作
弋

第四十二頁前八行毛璩之滎陽陽武人刊本陽
武訛武陽今改又按本傳璩字叔連此之字衍

第四十二頁後一行校回洲未詳處所按水經注
江陵縣西有洲號枚回洲江水自此兩分而為
南北江也此失考

第四十二頁後七行靈溪未詳處所按水經注江
水東逕燕尾洲北合靈溪水江溪之會有靈溪
戍此疑有韶州者誤

第四十四頁前一行魯山城今河南府汝州魯山
縣是又偃月城即濡須塢也按水經注江水東


逕魯山南山上有吳陸渙所治城山左即沔水
口沔左有却月城亦曰偃月壘故曲陵縣也後
乃沙羨縣治此誤

第四十四頁後七行白鹿山在太原府孟縣北按
水經注遼水篇石城水逕白鹿山西即白狼山
也時燕都龍城安得遠遊入魏境乎此誤

第五十一頁後七行井陘山之北也按唐書契丹
傳阻冷陁山以自固此以陁為井陘者誤質實

同

第五十三頁前一行張文王按張茂傳茂私謚曰
成此據禿髮載紀



總校官庶吉士臣張能照

校對官檢討臣郭寅

謄錄監生臣陳熙